

# *E MOHOLO HO*

## *SALOMONE O TENG MONA*



Ke a leboha, haholo. Lumelang mantsiboea ana, metsoalle.

Ke thabo ho ba mona bosiu ng bona, ho thabela ho tsukutla letsoho nakoana le botsoalle le motsoalle oa ka oa khale, Moena G. H. Brown. E se e le lilemo ke qetetse ho 'mona. Ke e mong oa ka—basebetsi-mmoho ba ka, ba Arkansas, mohlang oo re le 505 Victor Street mono.

<sup>2</sup> Ke hopola, Moena Brown, bosiu boo mofumahali enoa tlase mokatong o ka tlase, mokokotlong oa hae, a khasa ka mokokotlo oa hae, ka ntho ea hae. . . A lahlehetsoe ke kelello, 'me a le maemong a mabe haholo. Hamorao, ka mo fumana nqa ea Jonesboro nqa e 'ngoe, kelellong ea hae e hlaphohetsoe, 'moho le monna oa hae, a boetse setloaeling kamoo a ka khonang.

<sup>3</sup> Moena o sa tsoa kopana le 'na mona, ho tsukutla letsoho hae feela. O ne a bua ka ho ba tulong e itseng, mosali oa hae o ne a metse kotolana, ke a lumela, 'metsong oa hae. O ne a folisoa ka kopanong. O sa ntse a folile.

<sup>4</sup> Molimo o a babatseha, ha ho joalo na? Re leboha hoo haholo. Re loketse joalo, etsoe re le joalo, batho ba thabileng ka ho fetisisa lefatšeng, batho ba Molimo, ho se tsotelle, kamoo re sa tšabeng lefu. Le a tseba, Krete o hlotse sohle, esita le lefu, esita le tšabo ea lefu. Yaa. “Uena lefu, tsenene ea hau e kae? Lebitla, thlolo ea hau e kae? Empa ho lebohuoe Molimo O re fang tlhola ka Morena oa rona Jesu Krete.” Kamoo re Mo ratang ka seo!

<sup>5</sup> Khaitselinyana enoa ea tsoang Florida, kea lumela, o buile, kapa nqa e 'ngoe mona, ea binneng sefela seo: *O Theohile Khanyeng Ea Hae*. Sefela seo ke thatohatse ho 'na, se ngotsoe ke motsoalle oa rōna, Moena Booth-Clibborn. Ke kholoa se hlalosa Bomolimo ba Hae bo phahameng kannete kajeno, letsatsing leo batho ba lekang ho Mo etsa moporofeta feela kapa—kapa moetapele ea itseng. 'Me ke hopola seo se hlalosa seo O leng sona, 'me ke hlile ke rata sefela seo.

<sup>6</sup> Joale, le a tseba, 'me karolo e mpe ka lintho tsena, likōpano tsena ha li telele ho lekana. Re kopana feela, le ho re “lumela,” re ntoo tlameha ho tsamaea hape. Empa ruri ke shebeletse ho theoha.

<sup>7</sup> Ke tla le bolella nthoana. Ha kea bua taba eo e le tšupiso bosiu ng bo bong, mabapi le nkho ea sirapa ea sorgamo eo berenyana eo e keneng ho eona. Empa motho e mong bosiu ng bona o ile a ntefa, ba nthomella nkho ea sirapa ea sorgamo. Kea leboha, 'me ke tla hlokomela bere ho se thole eo. Ke tla kopa

mohatsa ho nkapehela pane ea libisikiti, 'me ke tla kena ho tsona hantle. E, monghali, ruri ke rata sorgamo.

<sup>8</sup> Billy, mora oa ka, o sa tsoa mpoella, ho re, "Ntate, ba u phuthetse nyehelo ea lerato."

<sup>9</sup> Ke boletse moreri enoa hore ha ke batle seo. Le a bona, ha kea tlela seo, batho. Ke tlile ho le thusa, ho leka joalo. Empa ha ho o khutlisa. 'Me haeba motho a tseba mang mona a hlile a le mobe, motho e mong, mosali oa mohlolohali kapa ho hong, ba e fumane. Ke le leboha haholo. Le a tseba, Bibe e boletse, "Seo le se etselitseng ba banyenyane," ke 'na eo, "ba banyenyane bana, le se entse ho 'Na." 'Me ke rapela Molimo ho le hlohonolofatsa bakeng sa hoo, 'me O tla etsa joalo—O tla etsa joalo. Ke tla u bolella, haeba ho se motho e mobe, ho o nka, ke tla o fetisetse mosebetsing oa boromuoa masimong asele. Kea tšela, ka bonna, kahoo kea tseba hore e sebelisitsoe hantle.

<sup>10</sup> Le ho leka ho tlisa Molaetsa o babatsehang ona oa—oa mohau oa Molimo oo re o tlišelitsoeng matsatsing ana a qetelo, Molaetsa, ka bokhoni ba tsebo ea ka ho O tlisa, 'me ke Molaetsa oo ke o rerileng lilemo tse ngata tse fetileng. Ha ke e-so o fetole le ka inchi, hobane ha u ke ke oa khona. Ha nka khona, ke tla tlameha ho tsoa Bibeleng. Ua bona? Ka hona o tsoa Bibeleng. 'Me ke lumela ho re, "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna." 'Me Baheberu 13:8 e re, "Ke oa maobane, kajeno, le kamehla." Ke lumela seo.

<sup>11</sup> Joale, ke ne ke bua le lōna kajeno, motšehare o moholo, ka Molaetsa oa Evangeli. Ke ne ke thabetse ho bona Moena Tracy Boutliere mona, le moena eo mona. 'Me, 'na, le tseba kamoo ke ikutloang kateng ho ema holimo mona? Ke—ke batla ke hatelloa ke thero eo bosiuang bona, ka baka la bareri bana bohle ba khabane ba leng teng mona. Ka hona ke tla bua nakoana ka Morena Jesu, holima Hae, tšenolo e kholo ea Hae kajeno, le mabapi le matla a Hae ho folisa bakuli.

<sup>12</sup> 'Me mora oa ka o tlile, nakoana e fetileng, 'me a aba likarete tsa thapelo, 'me re batla ho rapella bakuli bosiuang bona. 'Me mona u tšoere monna ea ka bolelang Evangeli; ba entse joalo, vekeng ena eohle. 'Me ke mona ho leka ho phethisa kabelo ea ka, ho supa likananelo tsa ka ka botšepahi ba lona ho Jesu Krete, ka ho rapella bakuli.

<sup>13</sup> 'Me joale pele re phetla Buka, ha re buisaneng le Mongoli oa Buka.

<sup>14</sup> Nakoana e fetileng, monna o itse ho 'na. Ke ne ke bua ka temana e itseng ka Bibeleng, 'me e ne e le temana e tebileng haholo khang e kholo ka eona, le ka Logos, le joalo-joalo. 'Me a—a ncheba. 'Me ke le 'moho le Moena Jack Moore, 'me re ne re theoha Cross Lake, Shreveport, Louisiana. 'Me monna enoa a sheba ho 'na, 'me a re, "Ha u tsebe Bibe e ea hau feela."

15 Ka re, “Empa ke tseba Mongoli hantle haholo. ’Me ke tiile, haeba ke Mo rata ’me ke Mo tseba hantle haholo, O tla ntšenoletsa Lentsoe la Hae.”

16 Ka hona ha re bueng le Mongoli joale, re sa inamisa lihlooho tsa rōna. Joale re sa khutsa. ’Me, le hopole, lipelōng tsa rōna joale, na kōpo e teng har’a rōna bosiueng bona, u ka batlang Molimo a e hopole, u rapella ntho e itseng ena, mohlomong moratuo ea tlang ho Krete, bosiueng bona, mohlomong motho ea tla folisoa, kapa kopo e ’ngoe? E hopole kelellong ea hau, ’me u phahamisetse matsoho a hau ho Molimo, ho re, “Morena, hopola kōpo ea ka.” Ke hohle, ka nqa tsohle. Ruri lena ke lefatše le hloakang!

17 Morena Jesu, re tla ho Uena ka Lebitso leo le bokhoni-bohle, re ntse re tseba sena, hore lithapelo tsa rōna li tla utluoa. Ho re, “Seo le se kopang ka Lebitso la Ka, se tla etsoa.” ’Me re tliša likopo tsena tsohle, bosiueng bona, ho li nyollela ka pel’a Terone e kholo e tšoeu moo Sehlabelo se Mali se robetseng, Ea tšoarelang libe tsa rona tsohle, le ho folisa maloetse a rona ’ohle. ’Me re motlotlo haholo ho Uena, bosiueng bona, ka monyetla o moholo ona oa rōna, le ka Lentsoe la Molimo, le ke keng la hloleha. Leha Maholimo le lefatše li ka feta, Lentsoe le ke ke la hloleha. ’Me Lentsoe ke Molimo. ’Me O tšepisitse hore O tla utloa le ho arabela liqelo tsa rona. Joale re khotsoe hoba re fumana seo re se kopang. ’Me letsoho la ka le phahame, le lona, Morena. Arabela, bosiueng bona, likōpo tsa rōna.

18 Re batla ho U leboha ka seo U bileng sona ho rona, sebokeng sena, morao ho theoha le bophelo. ’Me hape re U leboha ka seo U leng sona ho rona, ho ba sona kamoso. ’Me horeng ea lefu la rona, ha U ka lieha, re a tseba U tla ba e—e sekepe sa khale sa Sione, U tla ba Mapheo a benyang, U tla ba Naleli ea Meso e bonesang khohlo ea moriti oa lefu, E tla ba Uena ea tla re jara nokeng, ho kena Lefatšeng leo le leholo la pallo. Re khotsofaletse seo, Morena.

19 Bosiueng bona, har’a rona ho lutse banna, ba baputsoa, ba kobilo ke botsofali, ’me lilemong tse ngata tse fetileng ha ke sa le moshanyana oa moetsalibe, ke ne ke eme likoung tsa literata ke loana ntoa e molemo ea tumelo, bakeng sa oona Molaetsa oo re lekang ho o loanela bosiueng bona. Ntate, Molimo, re motlotlo ha banna bana ba sa phela, e le mapaki a tumelo e kholo ena e kileng ea fuoa bahalaleli ka nako e le ’ngoe. Re ke re e loanele le ho tšepahala temeng ea rōna ea tšebetso, hofihlela Jesu a fihla.

20 Joale re U kopa ho hlohonolofatsa Mantsoe ao re a balang, le seo re se buang bosiueng bona. Se ke Se oele mobung o nonneng o tla hlahisa tšebeletso, hore ho se be le moetsalibe a le mong mohahong ona, ea tla tloha mona, ea ke keng a bolokeha. Motho e mong le e mong ea kulang a fole. Ho se be le motho a le mong ea fokolang hara rona qetellong ea tšebeletso. Kea tseba thaba e

kholo e eme ka pel'a rona. Empa U boletse Evangeling ea Hau, ho latela Santa Mareka 11:22, "Ha u ka re ho thaba ena, 'Sutha,' 'me u sa belaele pelong ea hau, u mpa u lumela hoba seo u se boletseng se tla hlaha, u tla fumana seo u se boletseng." Joale re lumela seo.

<sup>21</sup> U itse, "Ha le ema le rapela, le lumele, le tšoarele." 'Me re U rapela ho re tšoarella melato ea rōna, joaloka ha re tšoarella ba nang le molato oa rōna, ho se be letho le ka sitisang lithapelo tsa rōna ho arabeloa.

<sup>22</sup> 'Me, Morena, eka, ha ho ka etsahala hore re se hlole re kopana hape tjena kopanong e 'ngoe, e ka ba selemo ho tloha joale kapa nako efe, rea tseba ho tla fihla kopano e le 'ngoe e khōlō re tla fihla mono bohle, 'me ke Selallo sa Lenyalo. Oho Molimo, ho se be le a mong oa rōna ea fosang nako eo. Ho fihlela mohlang oo, re baballe re koenne 'me re thabile, ho U sebeletsa. Ka Lebitso la Jesu Krete re a e kopa. Amen.

<sup>23</sup> Joale, ho rapella bakuli, ha ke—ke qale ke rera. Joaloka ha ke boletse, ke—ke tlotso e fapaneng; Moea o tsoanang, ke mocha o fapaneng feela oo u tsamaeang ho oona.

<sup>24</sup> 'Me joale ke batla ho bala seratsoana sa Lengolo, 'me Mangolo a 'maloa mona a o ke ratang ho lebisa ho ona, pejana feela re mema mola oa thapelo. 'Me kea tseba ho a chesa, 'me ha ke batle ho le tšoarella halelele.

<sup>25</sup> 'Me kea tseba ho koaloa ha kopano, veke e kholo, le kamoo bohle le tletseng tsoete joale, le ho khutlela hae ho ea ba le nako e monate. Ha se ho batla ho ea hae ho natefeloa feela ho thabela mahlohonolo a Molimo, empa ho ea hae ho nka seo u ithutleng sona le ho se fetisetsa ho motho e mong. 'Me a bana ba kopano ena, ba tsoetsoeng labobeli, kopanong ena, selemong se tlang le tle le litloho-tloho-tloho-tloholaana; ho bolelang hore u hapile motho e mong, 'me ba hapile motho e mong, 'me ba hapitse motho e mong ho Morena.

<sup>26</sup> Joale ha re phetleng bosiu bona ho Santa Mareka, khaolo ea 12. 'Me ke batla ho qala ho bala ho tsoa temaneng ea 38 ea Santa . . . ea Santa Mareka 12, ho bala ho theosa le temana ea 42, 'moho. 'Me, ka tloaelo, joaloka setso hangata, re ema ha re bala Lentsoe la Molimo, empa erekaha le hatellane hakana bosiu bona, re tla tloa hoo, le ho lula ka hlompfo feela le ho mamela Lentsoe. Ha u tsoere Bibehe, ntatele ke sa ntse ke bala.

*Eaba ba bang ba bangoli le ba Bafarisi ba araba, ba re, Moruti, re rata ho bona mohlolo o tsoang ho uena.*

*Empa a araba, a re ho bona: Moloko o khopo, le o mofebi, o batla mohlolo; 'me ha ho sa tla ba le pontšo . . . e neiloeng, empa e le pontšo ea moporofeta Jonase:*

*Hobane joalo ka ha Jonase a bile ka mpeng ea leruarua matsatsi a mararo le masiu a mararo; le Mora motho o*

*tla hlola matsatsi a mararo le masiu a mararo pelong ea lefatše.*

*Banna ba Ninive ba tla ema kahlong le moloko ona, 'me ba tla o ahlola: hobane ba kile ba baka ka polelo ea Jonase; 'me, bonang, e moholo ho Jonase o teng mona.*

*Mofumahali oa boroa o tla ema kahlong le moloko oona, 'me o tla o ahlola: hobane o tsoile lipheletsong tsa lefatše ho utloa bohale ba Salomone; 'me, bonang, e moholo ho Salomone o teng mona.*

27 Nka sebelisa hona e le mohlolithero: *E Moholo Ho Salomone O Teng Mona*. Haeba re bala likarolo tse ka morao tsa Lengolo, tse etellang ena pele, re e fumana e batla e hokelana le seo re se buileng maobane mantsiboea.

28 Mohla Krete a neng a fihla lefatšeng, O tlile ho ba Habo ka Sebele, 'me ba Habo ha ba ka ba Mo amohela. 'Me Bajuda bao ba ne ba rupetsoe Mangolong, semelo seo Messia a tla ba sona. 'Me Messia e ne e tla ba moporofeta, ho latela melao ea bona. Moshe o itse, "Morena Molimo oa lōna o tla le hlahisetsa Moporofeta, ea joaloka 'na, 'me batho ba tla khomarela ho Eēna; 'me ha ba sa Mo utloe, ba tla khaoloa bathong."

29 Le a bona, Lengolo ha le tlohele mongoaha ofe kante ho boitsebiso bo hlakileng, re tle re tsebe hora eo re phelang ho eona.

30 Esita le ho Santa Mattheu 24, Jesu o bua ka nako ea qetelo, O itse, "Joale ithuteng ho lekanya litaba tsa sefate sa feie."

31 'Me O boletse hona pontšo ea lipotso tse tharō e tla ba efe. "Ke neng mohla ho sa tlo sala lejoe le leng holima le leng, la mohaho? Pontšo ea ho Khutla ha Hau ke efe, le bofelo ba lefatše?" 'Me O arabile lipotso tsohle tse tharo. Hangata, batho ba li ngola boraro e le potso e le 'ngoe, empa ba Mo botsitse lipotso tse tharō. O arabile lipotso tse tharō tseo. Empa O hlahisitse, mono, pontšo, hobane, Bajuda ba batla pontšo. 'Me hobaneng ba batla lipontšo? Ke hobane ba ne ba laetsoe ho etsa joalo. Esale Mojuda a lumela mohlolo.

32 Esita le tlasa molao, enereha molori a hlaha, kapa moporofeta, ba fanang ka molaetsa o neng o batla o sa utloisisehe, kapa ba ne ba se na bonnete haholo ka oona, ba ne ba ralile mokhoa oa ho fumana haeba molaetsa oo o ne o lokile kapa che. Ba nka molori enoa, kapa moporofeta, ho mo theolela tempeleng moo e—e Urime Thummime leng teng, e ne e le mokhajoana o leketlileng, kapa o le holim'a sefuba sa Aarone, o neng o emetse meloko eohle ea Iseraele. 'Me moporofeta enoa o porofetile, kapa e—e molori o boletse toro ea hae.

33 'Me ho sa tsotelehe kamoo e bonahetseng e lokile, haeba toro eo kapa boporofeta boo bo sa halimise leseli le mohlolo, e batla e le ho phethesela ho kang mookoli holimo mono, ho neng ho bitsoa Urime Thammime, molaetsa o ne o latoloa. Ntho

ea tlhaho e tlameha ho arabela ka mokhoa o mohlolo, 'me ea mohlolo e tlameha ho arabela ka mokhoa oa tlhaho. Ka baka leo, ka Testamenteng ea Khale, Urime Thammime e ne e le teko, haeba mantsoe a ne a nepile kapa che. E ne e le tlas'a boprista ba Levi.

<sup>34</sup> Empa Molimo ha o a re tlohela re se na Urime Thammime, hoba bosiuung bona Lentsoe la Hae ke Urime Thammime. Ho sa tsoetelehe molaetsa o utloahala o le monate hakae, kapa toro e utloahala hantle hakae, koana, haeba e sa halime holim'a Urime Thammime, Lentsoe la Molimo, keletso ea ka, o tlohele, hoba Molimo ha o pake. Hobane, Buka ena ke tšenolo e tletseng ea Jesu Krete.

<sup>35</sup> Joale, Jesu o ne a tlile 'me a phethile hantle feela kamoo Mangolo a boletseng A tla etsa.

<sup>36</sup> 'Me mohla moapostola Petrose, joalokaha re buile maobane mantsiboea, a neng a laeloa ke ntatae, ke mesuoe, ho tla hlaha ha Messia, le hore Messia enoa e tla ba Moporofeta. Joale lilemo tse maholo a mane, ho qala ka Malakia, ba ne ba hlokile baporofeta. 'Me Monna e ne e le enoa eitseha A nyoloha, a sa apara ka mokhoa o fapaneng, e seng joaloka moprista ea tummeng kapa moruti, empa monna ea tloaelehleng feela. 'Me a ke ke a tseba Messia enoa kamoo A apereng, empa ba ne ba tla Mo tseba ka—ka Bophelo bo nong bo ahile ka ho Eèna. 'Me eitseha Jesu a mo sheba a re, "Lebitso la hau u Simone 'me u mora Jonase," ebile moapostola o itokiselitse ho inehela, kaha a tsebile Jesu a sa mo tsebe. Ha A mo tseba feela, empa O tsebile ntatae le eena, ka hona a tseba hoba eo e ne e le pontšo ea Messia.

<sup>37</sup> Hape re latetse Filipi, ea latang Nathanaele. Ho mo tlisa ka koano, eèna e le e—e monna ea lomahantseng meno, ea rutehileng haholo Lengolong. Re fumana mohlomong Filipi a mo elelitse, tseleng e eang koo, se hlahileng. Empa eitse ha a tla ho Eena, A 'mitsa, ho re, "Bonang Moiserale, eo ho seng mano ho eena."

A re, "U ntsebella kae, Rabbi?"

<sup>38</sup> A re, "Le pele Filipi a u bitsa, u sa le tlasa sefate, Ke u bone." 'Me a re, "Rabbi, U Mora Molimo, Khosi ea Iseralee."

<sup>39</sup> 'Me hape le ho sechaba sa Mosamaria, teng mosalinyana enoa oa Sikare. Kamoo eena maemong a hae e le mosali ea mekhoea e mebe; empa eitse ha Leseli leo la Evangeli le hasana tseleng ea hae, 'me A 'molella ka sebe sa hae le seo a se entseng, a re, "Monghali, Uena, u tsoanetse u be u le moporofeta. 'Me re laetsoe, 'me rea tseba Messia mohla a tlleng, O tla re bolella lintho." E ne e le pontšo ea Messia.

<sup>40</sup> Eaba re ithuta hoba ha A ka a etsa pontšo eo pela Balichaba, empa ho porofetilo hore e tla etsoa mona matsatsing a qetelo, ka Moea o Halalelang. 'Me, ho Le nyefola, e tla be e sa tsoarelola.

41 Joaloka ha A boletse ho tla ba joaloka matsatsing a Sodoma, mohla re neng re fumana papiso ea Molimo ka ho motho, ngoana motho, ea jang nama ea khomo, kapa namane, ke rialo, le ho noa lebeso la khomo, le ho ja bohobe, 'me a 'Mitsa, "Elohim," Molimo o moholo, 'Mopi.

42 Molimo o no o etsoe nama ka sebopeho sa Jesu Kreste.

43 'Me kajeno O ka kerekeng ea Hae, ka sebopeho sa Moea o Halalelang, e sa ntse e le Molimo. 'Me monna eo ka nama, o bapisitsoe nakong ea qetelo pele lefatše la Balichaba le chesoa ka mollo, hore Molimo o tla ba nameng ea motho, ho etsa ntho e tšoanang, ho Inetefatsa ho Balichaba. 'Me re 'Mone a kena har'a rōna, maobane bosiu, a etsa ntho eo.

44 Kahoo joale Jesu o ne a khalemela batho bana, bosiu ng bona, ka baka la ho se lumele ha bona, hobane ba ne ba loketse ho ruta Mangolo. Empa meetlo ea letsatsi e ne e tlositse batho Bibeleng, Lengolo. Jesu o itse, "Lōna ka meetlo ea lōna le fetotse Melao ea Molimo ntho e se nang matla."

45 'Me kea ipotsa bosiu ng bona, hola A ka ema holim'a mobu ona oa United States, haeba A ke ke a bua ntho e tšoanang ho ba bangata bosiu ng bona. Ka meetlo ea motho, le nkile Melao ea Molimo 'me le e fetotse ntho e se nang matla, ka ho rera seo, "matsatsi a mehlolo a fetile feela," le joalo-joalo, joaloka ha ba etsa. "Ba nang le sebopeho sa borapeli," seo moporofeta a se boletseng se tla hlaha matsatsing a qetelo, "ba mpa ba latola Matla a jona."

46 Re fumana, tabeng ena, hore O ne a ba khalema, hobane ba ne ba hatelloa ho sheba lipontšo le ho lumela lipontšo. Nohe o ba file pontšo. Molimo kamehla mongoaheng o mong le o mong o sebelitse ka lipontšo, hobane O mohlolo. 'Me moo Molimo o leng ka holima hloleho o leng teng, eka khona ho be le lintho tse ka holima hloleho tse etsahalang.

47 Hape re fumana, matsatsing a Nohe, bao ba lumetseng molaetsa oa hae 'me ba kena, ba bolokehile, 'me bao ba latotseng molaetsa oa hae ba timetse. O ba file pontšo ea ho haha areka.

48 Matsatsing a Moshe, Molimo o bua ka melomo ea motho ho bitsa lintsintsi, matsetse, linqaqane, ho thiba maholimo, ho a fifatsa, ka moporofeta ea neng a netefalitsoe ka botlalo. Bao ba lumetseng 'me ba tsoa Egepete, ba tšela moeli o arolang Leoatle le Lefubelu, ba bolokehile. Bao ba neng ba le ka lehlakoreng le leng, ba timetse.

49 'Me Jesu o ne a ba bolella. Ba Mo bitsitse, "Belsebule," ba bolela hoba O bala mehopolo ea batho. Kapa ba bang kajeno, ba ka be ba itse, "Ke bokhoni ba ho bala kelello." Empa motho ofe ea hlalefileng ea tsebang joa ea bokhoni ba ho bala kelello, o a tseba hore lintho tseo re li bonang e ke se be bokhoni ba ho bala kelello.

50 Tsatsi le leng, Tucson, moena e monyenyanane oa Baptist, 'me o ne a tsoile, a tlisitse Rebekah oa ka e monyenyanane hae ho tsoa sekolong, a nkile libuka tsa hae. 'Me a ea kopanong. O bitsa ntatae, mishinari tlase Meksiko, monna ea khabane, mosebetsimmoho le Billy Graham; 'me a re, "Ntate, ako phakisitse hae ka potlako, re bone matla a Morena Jesu a bonahatsoa."

51 A re, "Mora, molato ke'ng ka uena?" A mo letsetsa ho tsoa hole. 'Me a bolela se hlahlileng. A re, "Taba eo e ka bonoa moketeng ofe oa maemo a tlase."

52 'Me mohlankana a lula mono motsotso. A re, "Ntate, ke a u rata. U bile ntate oa ka, 'me u lekile ho nkholisa hantle. Empa kea ipotsa haeba re ka sothela lenaka morao nakong mohla Jesu oa Nazaretha a entseng hona hoo mabopong a Galelea, haeba u ikemiselitse ho e bitsa mokete oa maemo a tlase?" Monna eo o ile a siea mosebetsi oa hae, 'me a tla 'me a kholiseha.

53 Ua bona, Jesu o ne a leka ho ba bolella, "Ekare ha Ke sa etse mesebetsi ea Ntate oa Ka, joale le se lumele ho 'Na. Ke mang oa lōna ea ka Nqosang ka sebe, e leng ho se lumele? Ha Ke sa phetha mantsoe oohle a ngoliloeng ka 'Na, joale le ka supa ka monoana oa lona ho 'Na; empa Ke entse hantle seo Lengolo le boletseng Ke tla se etsa."

54 Oh, hola kereke e ka nka kemo eo, bosiuong bona, e le moemeli oa Jesu Kreste, le ho re, "Re haelloa kae? Molimo, ke batla ho phelela ho bona letsatsi leo kereke ea Jesu Kreste e ka bang bonngoe ka morero le pelō le 'mele, e eme ka matla a tletseng a tlotsoeng a Moea o Halalelang, ho phethisa le ho sebetsa joaloka ha Jesu Kreste a entse, le Molimo o le ka ho bona, hape."

55 Joale A qala a khutlela morao ho ba khalema. Ba ne ba tseba hore Molimo, melokong eohle, o romela lineo. 'Me ha Molimo a romela neo lefatšeng, 'me e latoloa, sechaba seo kapa moloko oo o kena kahlolong. 'Me ha Molimo o romela neo 'me e amoheloa, moloko oo o lehlohonolo.

56 Ke ne ke nahanne bosiuong bona, ha ke ntse ke tla, ke nahanne ka sena, ho re, "Ho ka ba joang hola Amerika eohle, bosiuong bona, e lumetse neo ea Molimo eo re e amohetseng?"

57 Jesu mona o bua ka mehla ea—ea Jonase, kapa Jonase ke seo e leng sona ruri. 'Me batho ba bangata ba ahlola Jonase, 'me ba re Jonase e ne e le . . . U re, "E ne e le Jonase. O entse *hona, hoane*," hoba Jonase, ha re nahana, o fapohile thato ea Morena.

58 Empa e re ke leke ho lokafatsa hoo, bosiuong bona. Biblele e boletse, "Maoto a ba lokileng a laotsoe ke Morena." Ka linako tse ling, O re etsisa lintho tse khahlano le seo re se nahanang; empa kamehla, haeba re latela tataiso ea Moea, kamehla re thatong ea Oona. Molimo o etsa seo O se batlang. O hlhisitse Faro ka morero oo; 'me a bitsa, a re O ratile Jakobo, 'me O hloile Esau, le pele ba tsoaloe. Joale morero oa Molimo o tlameha



ho phethahala. Na sebōpi se ka khona . . . kapa letsopa le re ho sebōpi, joalokaha re fumana ho Baroma 8 le 9.

<sup>59</sup> Shebang, mona re fumana Jonase a laetsoe ke Molimo ho theohela Ninive, ho rera, le ho oella motse oo o tla timela matsatsing a mashome a mane, hobane Ninive e ne e le motse o moholo o tletseng sebe, naha ea bohetene. Ba ne ba rapela melingoana ea liseto. Bao, mosebetsi oa bona oa sehlooho e le ho tšoasa lihlapa, hoba ba le mabapa le lebopo. 'Me mosebetsi oa bona—oa bona e ne e le ho . . . mosebetsi, e ne e le ho tšoasa lihlapa. 'Me Jonase, sebakeng sa ho nka sekepe . . . 'Me mohlomong sekepe se sa tsoe hantle feela ka nako eo. Empa a nka sekepe se eang Tarshishe. 'Me re fumana le ho utloisisa bothata boo Jonase a keneng ho bona, kantle mono leoatleng. Ke lumela hore hohle ho ne ho laetsoe ke Molimo. Leoatle la ferekana, 'me Jonase a re, "Ntlameng matsoho le ntahlele leoatleng." 'Me Molimo o ne o hlophisitse hlapa, joalokaha re e bitsa "leruarua," le ho metsa moporofeta.

<sup>60</sup> Lilemong tse 'maloa tse fetileng, ke ne ke le Louisville, Kentucky, bao—ba ne ba rapalalitse leruarua . . . masapo a le leng, holim'a e—holim'a koloi e sephara. 'Me Ricky enoa e monyenyanane a eme mono, a leketlisitse ligalase tsa hae nkong, 'me a bonahala a le thuto e ngata fetang feela a se bohlahe ho e laola, o ne a leka ho hlalosa leruarua lena. A re, "U a tseba, tšomo ea khale ea Bible, ho thoe leruarua le koentse Jonase." A re, "Eo ke tšomo feela." Ho re, "Hobane, u a bona, u batla u sa khone ho lahlela bolo e feta 'metsong oa lona, o ne o le nyenyane haholo, 'me le ne le ka sitoa ho koenya motho."

<sup>61</sup> Ka thatafalloa ho mamella ntho eo haholo. Ka—ka re ho eèna, ka re, "Monghali, ke—ke batla ho lokisa hoo."

A re, "Ke'ng hoo?"

<sup>62</sup> 'Me ka re, "U a bona, a ka tšoha . . . Mohlomong leruarua ha lea khona ho mo koenya, empa Bible e boletse, ho re, 'Molimo o ile oa lokisa hlapa.' Le ne le bopiloe ka ho ikhethileng. Molimo oa le etsa boholo ho lekana ho mo koenya." Le a bona? Ka—ka utloa nka ba lehlabaphieo Bibeleng holane ke sa paka, ho bontša mebala, hobane batho ba ne ba eme mono ba tšeha. Ke a le bolella, ebile ntho e fapaneng hoba seo se boleloe, le a bona, e ne e se bosaoana hakaalo, ha ke itse, "Ha le tsebe Mangolo. Lengolo le boletse, 'Molimo o lokisitse hlapa.' Ena O e lokisitse ka ho ikhetha."

<sup>63</sup> Joaloka ngoanana khetlo le leng, a tsoa kerekeng, a re o ne a thabile. Moririnyana oa hae o phophothesoe morao, 'me a nyakaletse haholo, a ntse a bina lithoriso tsa Molimo. Mohetene ea koug a re, "U thabetse'ng, mofumahali e monyenyanane?"

A re, "Ke sa tsoa pholoso, ke ea Leholimōng."

<sup>64</sup> A re, "O khoatseng tlasa sephaka sa hau, ntho eo ba e bitsang Bible?"

A re, “E, monghali, ke eona.”

Ho re, “Ha u lumele seo?”

Ho re, “Lentsoe le leng le le leng la eona.”

65 Ho re, “Be, kea kholoa u lumela pale ea leruarua le koentseng Jonase?”

66 A re, “E, monghali, ke a e lumela. Haeba Biblele e itse Jonase o koentse leruarua, nka e lumela.”

67 ‘Me a re, “Joale u tla paka joang hore—hore leruarua le koentse Jonase, ka tsela esele haese ka tumelo?”

A re, “Mohla ke fihlang Leholimong, ke tla botsa Jonase.”

A re, “Haeba Jonase a le sieo mono teng?”

68 Ho re, “Joale uena o tla tlameha ho ‘motsa.” Ka hona ho bontša feela se neng se tla etsahala, o ile nqa e ‘ngoe. ‘Me hoo ho batla ho e hlalosa.

69 Empa ke lumela hore leruarua le koentse Jonase. Joale, matsoho a tlamiloe, ka mpeng ea leruarua, kantle koana holim’a leoatle, botebo bo batlileng ho ba litekanyo tse mashome a mane.

70 Joale lona basali le a tseba, ka lihlatswana tsa lona tse ts’ehla. Hlapi e sesa metsing, ho sela lijo tsa eona. ‘Me hoba e sele lijo tsa eona, e tlatsa mpana ea eona, e thehela tlase ho sejana le ho phomotsa sephoana sa eona mono. Le a bona, e phomotse. Liphooana tsa eona lia e phahamisa. ‘Me joale e iketlile hobane e khathalitsoe ke ho tsoma.

71 Ha re nahaneng hore hlapihali e entse hona hoo. Ha e koenya moporofeta, ea thehela tlase, ka boimahali ba eona ba litone tse ngata, e robetse botebong joale, moporofeta a le ka mpeng ea eona. ‘Me moporofeta a ntse a phela. E mo metsitse. ‘Me Jonase o tšoanetse a be a ile a phethoha, ka mpeng ea leruarua. ‘Me, le a tseba, hohle moo a shebileng teng, a bona mpa ea leruarua.

72 ‘Me ke ‘nile ka nahana ka batho, ha ba re, “Ke rapeletsoe maobane bosiu, empa letsoho la ka ha le a ntlafala. Ke rapeletsoe, ‘me ha ke ikutloe ke ntlafetse ho feta.” Be, u shebile matšoao, ha feela u sheba seo. Haeba moruti oa hau a u rapeletse, a u tlostitse ka oli, kapa tsamaiso a e sebelisang ea Biblele ea Molimo, u tšoanela ho e lumela. U tlameha ho e lumela.

73 Joale ha ke hopole mang oa rona a kile a fumana matšoao a kang a Jonase, hoba, nqa efe a e shebileng, e ne e le mpa ea leruarua. Empa na le tseba seo a se buileng? O itse, “Ke mafeela a thetsang.” A ke ke a e lumela. O itse, “Ke tla sheba hang hape tempeleng ea Hau e halalalang.”

74 Joale Jonase o tsebile mohla Salomone a khakolang tempele, Molimo oa netefatsa Boteng ba Oona tempeleng, ka ho kena joaloka Topallo ea leru, le ho kena le ho fetela ka morao ho Sehalalelo, holima Setulo sa Mohau le holima areka, le ho lula fatše. ‘Me Salomone a rapela, “Morena, etlreha sechaba sa Hau

se le mathateng, hohle, 'me se sheba nqalong ena e halalelang, 'me se rapela, U ba utloe o le Leholimong."

<sup>75</sup> Joale, efela ha Jonase, tlasa maemo ao, a ne a ka ba le tumelo thapelong ea monna, motho, ea ileng a oa hamorao; le holima tempele e hahiloeng ke matsoho a motho, eo Molimo a keneng ho eona; 'me a lokolloa ho tse joalo, matšoao a kang ao; re tlameha hakakang, bosiueng bona, tlasa maemonyana a rōna, hantle mahareng a Boteng ba Molimo o moholo ka Sebele, moo re bonang batho ba folisoa, ba pholoso, 'me ba tlatsitsoe ka Moea o Halalelang! Ho sa shebjoa nqa tempele ea tlhaho; empa ho sheba tempele Leholimong, moo Kreste a lutseng letsohong le letona la Boholo, le matla, ka Mali a Hae ka Sebele, ho buella maipolelo a rōna. Re lokela ho soabela bofokoli ba rōna. Joale, ho fihlela u ka ba le tumelo e fetisang ea Jonase, u se ke ua mo nyatsa.

<sup>76</sup> Lemohang, ke moo re fumanang Molimo, tlasa thapelo eo le tumelo eo. . . E ka ba o hlomme tente ea oksejene mono; ha ke tsebe seo A se entseng. Empa a lula, ho latela Lentsoe la Kreste ka Sebele, matsatsi a mararo le masiu mpeng ea leruarua leo. 'Me hape ha re e nahaneng, mohlomong, ekaba hora ea leshome le motso o mong ea letsatsi, batšoasi bohle ba lihlapi ba le mothating oa ho kena lijong tsa bona tsa motšehare, 'me ba se ba tla phutha matlooa a bona. 'Me bahetene bana ba ne ba khumamela liphoofolo, 'me molimo oa leoatle e le leruarua. 'Me hara mpa ea letšoare, molimo oa leoatle ke enoa a kena, leruarua, a leketlisa leleme la hae, eaba moporofeta o tsoa molomong oa hae. Ha ho makatse ba bakile, ehlile, hobane molimo o ile oa tšoela moporofeta. 'Me a tsamaea literateng, a re, "Nqalo ena e tla senngoa matsatsing a mashome a mane." Ua bona, Molimo o tseba mokhoa oa ho etsa lintho.

<sup>77</sup> Joale, ba kopile Jesu pontšo, 'me O ba boleletse ho re, "E— e moloko o khopo le o mofebi o batla lipontšo." 'Me, joale, kea tseba koahollo e teng eo A neng a e bolela. Ke 'nete. Empa ke tla e jara feela, e fupile moelelo o menahaneng.

<sup>78</sup> Ke neneng re kileng ra fumana moloko o khopo le o mofebi ho feta oo re nang le oona hona joale? Moloko o khopo le o mofebi! Ba tla re ho uena, tsoela seterateng, ba re, "Na u mofolisi oa Khalalelo?"

"Che. Ke Kreste."

<sup>79</sup> "Be, ha u le mofolisi, kapa u lumela, u ipolela u le mofolisi; ke tseba thaka le teng tlase mona le a kula, tloo u mo folise. Ke a tseba u re u tsositse bafu; monna a shoa 'me oa mo tsosa? Re fumana mabitla a tletse bona tlase mona; re kholisetse eona."

<sup>80</sup> Hopolang, ke eena liabolosi eo oa khale ea itseng, "Ha U le Mora Molimo, laela majoe ana a fetohle bohobe."

<sup>81</sup> Ke eena liabolosi oa khale ea khurumelitseng mahlo a Morena oa rōna ka lesela, ka paleising hoseng hoo, a koahetse mahlo a Hae, 'me ba nka molamu, masole ao a tahiloeng, a

qabanang, 'me a Mo otlahlohong ka oona, 'me a nto neeletsana molamu, e mong ho e mong, 'me a re, "Rea utloisisa U tseba makunutu a pelō. Re utloisisa hobane U moporofeta. Ha U le moporofeta, porofeta 'me o re bolelle ea U otlileng. Re tla e lumela joale." Le a bona, ke eena liabolosi eo oa khale. Le a bona? Molimo ha o soasoe le mang kapa mang.

<sup>82</sup> Ke eena liabolosi oa khale ea itseng, "Theoha sefapanong. Ha re U bone o etsa mohlolo." Liabolosi eo o a phela kajeno.

<sup>83</sup> 'Me Jesu o boletse, ho re, "Moloko o khopo, o lonya, o mofebi o tla batla pontšo, 'me ba tla e fumana. Hobane joaleka Jonase ha a hlotse mpeng ea leruarua, matsatsi a mararo le masiu a mararo, le Mora motho o tla lula pelong ea lefatše." Ebe O ne a bua ka pontšo ea mofuta ofe? Pontšo ea tsoho. 'Me ka mora lilemo tse likete tse peli tsa thero ea Evangeli, lilemo tse likete tse peli tsa nyefolo, Bibe e phutlile ntho eohle kaofela. 'Me, bosiu bona, Jesu Krete o har'a rōna, ka matla a tsoho ea Hae, ho etsa tsona lintho tseo A li entseng mehlang ea Hae mona lefatšeng. Oona ke moloko oo o fokolang le o mofebi.

<sup>84</sup> Santa Johanne 14:12, Jesu o itse, "Ea lumelang ho 'Na, mesebetsi eo Ke e etsang o tla e etsa le eena." Le a bona? "Ho se ho se hokae 'me lefatše, tsamaiso ea kosmos, ha le sa tla Mpona, empa lona le tla Mpona. Eo ke mosalumele, lefatše, tsamaiso ea lefatše, tsamaiso ea kereke, ha e sa tla Mpona. Empa lona le tla Mpona, molumeli, hoba Ke tla ba le lona, le ka ho lona, ho isa bofelong ba lefatše."

<sup>85</sup> 'Me moloko o khopo ona le o mofebi oo re o fumanang lefatšeng, o somang Lentsoe la Molimo la mantlha, ho soma ka—ka kereke, o amohela pontšo ea tsoho bosiu bona. Hobane, lintho tseo Jesu Krete a li etsang kajeno, ka kerekeng, ha ho motho lefatšeng ea ka e khonang kantle ho Jesu Krete. 'Me ke pontšo ea hore O a phela bosiu bona. O tsohile bafung, lilemong tse likete tse peli tse fetileng, le ho phela bosiu bona joaloka ha A entse ha A ne a tsamaea Galelea. Amen. Pontšo ea tsoho!

<sup>86</sup> Re ntoo lemoha, ho theoha joalo, O bua ka nako ea Salomone. A re, "Banna ba Ninive ba ile ba baka ka thero ea Jonase, 'me e moholo ho Jonase o mona." O itse, "'Me joaloka matsatsing a Salomone, kamoo mofumahali oa Boroa a tsoileng lipheletsong tsa lefatše, ho utloa bohale ba Salomone, 'me e moholo ho Salomone o teng mona."

<sup>87</sup> Le a bona, ba ne ba sa e utloisisa. Ba ne ba teteane. Esaia o itse, "Ba na le mahlo 'me ha ba bone, litsebe 'me ha ba utloe."

<sup>88</sup> Ke tla bua sena ka lerato. Pentekosta, e batla e tšoana. Ntho eo Molimo o e tšepisitseng, e re feta holimo mohoalotso, 'me re e tlohela feela. Molato ke'ng ka batho ba Pentekosta, ke sena, ba bone tse ngata tsa Molimo. . .

<sup>89</sup> E nkhopotsa maele a khale, kapa pale eo ke baling hang ea mongoli ea ngotseng ka leoatle, 'me o ipoletse a ne a eso le bone. Joalokaha re utloisisa hore Stephen Foster, sengoli se ratoang sa lipale, o ngotse ka "Swanee" River, 'me a eso bone Noka ea Suwannee. 'Me mongoli enoa o ne a ngotse ka leoatle, 'me a e-so bone leoatle. Khetlo le leng a nka leeto ho ea leoatleng. 'Me tseleng ea hae a kopana le mosesisi oa khale, mokaubere oa khale, a nyoloha, ka litelu tse putsoa sefahlehong sa hae a momme peipi ea seqo sa poone molomong oa hae. A re, "U ea kae, khabane ea ka e molemo?"

<sup>90</sup> A re, "Ke ea leoatleng." A re, "Ke—ke seroki." A re, "Ke—ke batla ho le bona feela. Ke batla ho bona maqhubu a lona a masoeru ha maqhubu a letsoai a bapala holim'a boputsoa ba leholimo. Ke batla ho bona khalimiso ea sebaka metsing a boputsoa ba leholimo, ho fofonela letsoai sebakeng. Ke batla ho utloa lirura tsa li-gulls ha li hlaba litlatse li hoeletsa, ha li ea morao le pele li parola metsi."

<sup>91</sup> Mokaubere oa khale a hotolla peipi hae ea seqo molomong oa hae, 'me a tšoela mathe. A re, "Ke hlahetse ho lona, lilemong tse mashome a tšeletseng tse fetileng. Ha ke bone letho le khahlang kakaalo ka lona." Hobaneng? O ne a le bone senyekhe, la fetoha tloaelo ho eena.

<sup>92</sup> 'Me ke bona bothata ba lona Mapentekosta. Le bona lithoriso le mahlohonolo a mangata hakana a Molimo, ho fihlela a thella a le feta. Re tšoanela ho apara tšabo ka lintho tsena, le ho hlompaha sohle seo Molimo o re neang sona.

<sup>93</sup> Joale, matsatsing a Salomone, joaloka moithuti ofe oa thutabomolimo, monna oa Mangolo o tseba e ne e le mongoaha oa gauta oa Baheberu. Ba ne ba se na lintoa. Bao, ho ne ho batla ho tšoana le lilemo tse Sekete ho bona. Letsatsi le leholo! Ba aha tempele. Lichaba tsohle li ba tšaba. Ba ne ba tšaba ho etsa letho, hoba ba tsebile batho ba ne ba le pelo e le 'ngoe le khopolo e le 'ngoe. Molimo o ba file neo, 'me ba e lumetse. Ba e amohetse, 'me ka pelo e le 'ngoe le khopolo e le 'ngoe ba sebetse le eona.

<sup>94</sup> Oh, hola rona, batho ba Amerika re ka khona, bosiueng bona, har'a Mapresbeteriene ohle, le Mamethodise, le Mabaptise, le Mapentekosta, ho qhaqha moetlo oa lona o le likileng o ahiloeng ke mokhatlo oa lona, ho arola bara ba motho, "ka ho hloka tumelo." Hola re ka tsoa khaketlaneng eo ea khale, 'me re ka kopana 'moho le ho amohela neo ea Molimo, holima motheo oo A re fileng oona, e tla ba tšireletso e ntle ka ho fetisisa ea bomo eo ke e tsebang. Nka mpa ka ema ka morao ho se, litšepiso tsa Molimo, sebakeng sa litšabelo tsohle tsa bomo tseo ba ka li hahang. Joang, sechaba se se kakang, tsoseletso e kakang, kamoo lichaba tse ling li ka tšohang ho etsa letho ka eona. Molimo o re file neo, empa re e nka habobebe.

<sup>95</sup> Re leka ho e tlisa kamona sehlotšoaneng se le seng, le ho re, “Re e tšoere, ’me lona ha le amane le eona ka letho, hobane ha le shebe ka ligalase tsa ka.” Ha re a tšoanela ho etsa joalo. Ha e a loka. Ha feela liabolosi a ka le qabanya, ha a tlameha ho loana.

<sup>96</sup> Empa ha u bona kōpano eo ea matla a Molimo, ho bokella kereke ea Hae ’moho meeng e mene ea lefatše, ke moo u tla bona ho etsahala ho hong.

<sup>97</sup> Re fumana hore, matsatsing a Salomone, Molimo o ile a mo fa neo ea temoho. E ne e le neo e khōlō, neo ho lemoha mehopolo, le joalo-joalo, ea bohlae. ’Me batho ba e teela hare. Ba mo etsa morena. ’Me, le a tseba, o fetohile puo ea lefatše. Mang le mang o buile ka Iseraele. Joale, ba ne ba se na mehala le lithelebishene, le lintho, eaba, ba thota litaba ho tsoa molomong ho ea tsebeng. ’Me batho bohle ba fetang ba bone neo e khōlō ena ea Molimo, e sebetsa, ’me batho ba ne ba tla, hobaneng, ba ne ba—ba bolella bohle. ’Me botumo ba hae bo ile ba tlala lefatše lohle. ’Me bohle ba lutse ho se lintoa, ho se mathata, hobane ba amohetse neo eo Molimo o ba neileng eona.

<sup>98</sup> Rona bohle, bosiueng bona, rona Presbeteriene, Methodise, Baptise, sehlopha sa Pentekosta, hola ra lahlela mehopolo ea rona kathoko feela, le ho khutla ho bona seo Molimo o se buileng ka Eona, le kamoo O boletseng E ne e lokela ho abjoa. A ke ke a E fetola. Kamoo E theohileng ka Letsatsi la Pentekosta, E tšolohetse joalo tlung ea Kornele. ’Me nako le nako ha E theoha, E theoha ka ho tšoana, tlasa taelo ea phekolo eo Petrose a e ngotseng, ho Liketso. ’Me e sa eme joalo. E tlameha ho itulela e le joalo. Tsela efe esele. . . Ha ho sebaka se seng ka Bibeleng moo ba kileng ba O amohela ka tsela esele haese ho phethisa taelo eo ea Liketso 2. Ke hantle haholo. Hoo, ’me re E fumana kajeno, e tlameha ho hlaha joalo.

<sup>99</sup> Empa ka botšepahi, motho o amohela Molimo ’me o a Mo lumela, empa hola feela ba ka. . . Joale ba ikhula, ’me, “Hoo, re tšoere *sena* ’me ke phetho se leng teng ho Eona.” Ebe baa ikarola. Joale ba ke ke ba nka tšenolo e ncha. Ba e hlophisa. “Ena ke eona. Ena ke thuto ea rōna,” ke qetello ea e—e khutlo. Haeba mokhatlo oa lona o qetella thuto ea hau ka feeloana, “Re lumela *sena*, ’moho le bokaalo boo Molimo o tla re bontša bona,” ebe ho itoketse, nka khema le hoo; empa eseng ka khutlo le ka mohla. Hobane, Molimo ke Molimo, ’me nako e ntse e tsamaea.

<sup>100</sup> Kamehla re leka ho hetla morao ho bona seo Moody a se buileng, seo Sankey a se buileng, seo Finney a se buileng, seo Wesley a se buileng, seo Luther a se buileng. Bao e ne e le banna ba letsatsi leo.

<sup>101</sup> Mahlale ha a hetle morao ’me a shebe seo mahlale a se buileng. Khele, lilemong tse makholo a mararo tse fetileng, rasaense oa Lefora o pakile hoba ha motho a ka tsamaea ka lebelo le tšabehang la limaele tse mashome a mararō ka hora,

matla a khoheli a ka mo tlosa lefatšeng. Na le ka nahana mahlale a mehla ena a rialong? Kajeno o tsamaea ka limaele tse ka bang likete tse peli ka hora, ho leka ho fumana ntho e ka thibelang ho qhibiliha ha setala a tle a haole ka limaele tse likete tse 'ne ka hora. Ha ba hetle morao le ho lebisa ho eena. Ba shebile pele.

<sup>102</sup> Empa kamehla kereke e hetla morao. Ha re shebeng holimo! Hoba, matla a bona a seetsoe moeli. 'Me matla a rona ha a seeloa moeli, "Hoba tsohle li ka etsetsoa ba lumelang ho Molimo." Tumelo ea sebele ea 'nete e tla omela Lentsoe ka leng leo Molimo a le abileng, ka "amen." Che, "Be, e ne e etselitsoe moloko o mong." E sa le Eena maobane, kajeno, le kamehla!

<sup>103</sup> Joale re fumane Salomone, litaba tsa phatlalla tsa ba tsa theohela Sheba. 'Me ba ne ba ena le mofumahali tlase mono, mohlomong mofumahali e monyenane ea lokileng. O ne a busa batho ba habo. 'Me, le a tseba, ba qala ba 'molella ka—ka Molimo o moholo holimo Iseraeleng, 'me O ne a tlotsitse motho ka neo ea temoho e le motho e moholohali, ho se motho ea ka ruang bohlale bo joalo. Bo ne botlameha ho tsoa ho molimo. 'Me, u a tseba, "Tumelo e tla ka kutlo, ho utloa Lentsoe." 'Me ea khahlola pelo ea hae, joaloka ha e entse mosalinyana ea se nang boitšoaro selibeng maobane bosiu. Ea otlala pelo ea hae, 'me a qala a lakatsa ho fumana sena.

<sup>104</sup> Ke hopola e loketse mang oa rona, ha re fumana moo Bophelo Bosafeleng bo robetseng teng, hoba re leka ho phela.

<sup>105</sup> Be, k'haravene e 'ngoe le e 'ngoe ha e feta, mohlomong o e emisa a ba kenya paleising. "Na le fetile Palestina?"

<sup>106</sup> "E, re jere litlolo tse itseng, le mabenyane le lintho tse tsoang mono."

"Be, na ke 'nete ka neo e kholo eo ea Molimo oa bona?"

<sup>107</sup> "Ke 'nete. Ke e bone e sebetsa." Ua bona, tumelo e tla ka kutlo.

<sup>108</sup> 'Me eaba o qala, a qala a nyoroa. A batla ho e bona, ka boeena.

<sup>109</sup> Joale a tlameha ho feta mathata a mangata. Ntho ea pele, e ne e le mohetene. Ntho e 'ngoe, e ne e le mofumahali. 'Me ntle le pelaelo, ho etsa sena, a tla tlameha ho ea ho moprista oa hae ka sebele, ho fumana tumello ea ho ea utloa sena. Kaha ke nahana . . . Haeba ke utloahala ke nyelisa, ha kea bohole joalo. Ke tlil'o taka tšoantšiso e nyane mona. Ekare ke 'mona a theohela ho moprista, a re, "Ntate ea halalelang?"

"E, morali oa ka," moprista o itsalo.

<sup>110</sup> "Esale ke utloa litaba tsa reng naheng ea Iseraele ba na le Molimo holimo mono, ea tlotsitsoeng monna ka temoho ea moea le matla a Hae ka Sebele."

111 “Joale mamela, morali. Haeba, haeba melimo e meholo e ka nka khato, e ne e tla nka khato har’a rona.” Le a tseba, bohle ha ba tlameha ho hlongoa baprista ba bohetene, ho lumela seo. Le a bona? “Haeba e ka nka khato le ka mohla, e ne e tla etsa ntho efe mokhatlong oa rona. Ba ka ke ba kena hara ba bang bao, le a bona. Holima tsohle, ke sehlopha sa bahalaleli ba thethehang.” Be, ke ne ke sa batle ho rialo, le a bona, empa le a tseba. “Ba—ba—ba, ha ba ba kaalo haholo. Ke sehlopha sa mahlanya feela. Ba pheta lipale tsa mefuta eohle mabapi le ho tšela Leoatle le Lefubelu, e seng letho haese tšomo. Ka hona u ke ke oa lumella sehlopha seo holimo mono, hoba ba—e mpa e le sehlopha bakhelohi. Joale haeba matla a le teng, ke ho molimo o moholo, Dagone, kapa ba bang ba bana mona.”

112 Ke utloa mosali e monyenyanane, a bua motsotso, a re, “Empa, ua tseba, ba mpoella hore Molimo enoa eo ba mo behileng holimo mono ke Molimo oa sebele.”

“Khele,” a re, “moral, eo ke molimo oa sebele.”

“Empa, bao, ho thoe Molimo enoa holimo mane o na le bophelo.”

113 Le a bona, ha—ha—ha ntho e hlile e rutla pelo, Molimo o tla bua le uena ha u ka lula u bua. Le a bona, “Le se nahane seo le tla se bua; le tla se neoa ka hora eo.”

114 Eaba ho thoe, “Ba re Molimo enoa holimo mona ke Molimo o ratang batho ba Oona, ebe O a theo ha ’me O Itsebisa ka batho ba Hae.”

“Ah, ha ho letho nthong eo. Mamela.”

Oh, u reng? “Joale motsotso feela. Ke tla nyoloha.”

115 “Ha u nyoloha, uena, khele, u tla lihela lihlong. U se ke ua etela tsoseletso eo. Hobane, ha re sebelisane, u a tseba, ka hona ha u a tšoanela.” Ua bona?

116 “Me ua tseba,” a re, tona a re, “nkhono-moholo oa ka o ne a sebeletsa setšoantšo seo, seemahale seo, kapa nkhono le ’mè oa ka, batho bohle ba hesō ba sebelelitse litšoantšo tseo, ’me ha ho le se seng sa tsona se bontšitseng thojana ea bophelo. Li mpa feela. . . Ha ke tsotelle na u ka bala mangolo a makae, le eng hape, ha li eso bontše le thojana ea bophelo. ’Me ba re, ‘Bona ke Bophelo.’ ’Me hona ke . . . E a nngongorehisa.”

117 Be, ke mo utloa a re, “Joale, sheba, ha u ka nyolohela mono, ke tla tlameha ho u khaola. Ke tla tlosa ntho ea hau. . . U setho sa selekane mona, u a tseba. ’Me haeba ke . . . ’Me u seriti, ’me u tla theo la seriti sa hau ha u kena har’a sehlopha se joalo.” Le a bona?

“Be, e ka bang seriti, kapa che!”

118 Le a tseba, ha Molimo o qala o tšoara pelō ea motho e mong, ha ho letho le ka emang tseleng ea bona. Ba tla fihla mono, leha



ho le joalo, 'me Molimo o tla e hlokomela; Ha ke tsotelle haeba e le monna, mosali, ngoana, moreri, molisa, mang feela, ha tlala ea Molimo e fihla.

119 Joale re fumana mofumahali e monyenyanane, eitseha a itokisa, a re, “Be, ke—kea ea, leha ho le joalo.”

120 “Empa re tla u khaola. Lebitso la hau le ke ke la ba mona.”  
“Be, u ka 'na oa le tlosa, hoba ke a tsamaea.”

121 Ka hona joale, a tlameha ho lefa moputso. Bongata ba rōna ha bo batle ho lefa moputso. Re ka mpa ra itšoarella ka tumeloana.

122 Joale, mosali ntle le pelaelo o ne a ithutile mangolo a mennoeng a borapeli bona. O ne a bone hoba eo ke tlhaho ea Molimo; 'me Molimo oo, bohlahe bohle ba Molimo, bo ne bo fuoe monna ka neo, hore Molimo ka Sebele o ne a Itlhalosa, e seng ka molingoana o sa bueng, empa ka monna.

123 Kamoo bopagane e leng papiso e phethehileng, kapa, anti- . . . kapa, papiso ea Bokreste, kamoo morapeli oa mohetene a tla itihela fatše ka sefahleho ka pel'a setšoantšo se betliloeng, 'me a namalle joalo, hore o—o lumela hore molingoana oo o bua le eena.

124 Joalo ka—ka—ka Moindia oa Navaho. Ba ne ba bolokile khulu e leng molimo oa pula, e seretse se le mokokotlong, 'me ba e fetotse seseto. Le ho etsa khetla e lephaka, joale ba bitsa, 'me ba utloa lentsoe la bona le neeletsana, 'me ba hopola e le molimo-pula oo o boelang o ba arabela.

125 Ke phapang e kakang ho Bokreste, le hona. Re namalla pela Molimo o mohlolo oo e seng molingoana, 'me re tlatsitsoe ka Èena re fetoha sesèto sa Hae, setšoantšo sa Hae se phelang sa Hae, ho sebetsa, ho tsamaea holim'a lefatše re le baemeli ba phelang ba Molimo oo re o sebeletsang. Molimo kahara motho! È khahlano le bosalumele; ba namalla ka pela Maria kapa Josefa, kapa mohalaleli ea itseng, kapa ntho e kang eo, esale a shoele lilemo. 'Me, empa, u a bona, Moea o Halalelang o kena kahara boleng bo phelang, e seng kahara sesèto se shoeleng; empa kahara boleng bo phelang, le ho sebetsa ka boleng boo bo phelang, e seng ka sesèto. “Le litempele tsa Molimo.” Ua bona?

126 Ka hona re bona Molimo o sa fetohe, O etsa ntho e tšoanang bosiung bona joaloka ha A entse matsatsing a Salomone. O file Salomone neo ena.

127 'Me rea fumana, joale mosajana o lokela ho itokisa. Joale, a tlameha ho tjamelana le lintho tse ngata. A tobjoa ka maemo a mangata le tšitiso e ngata, empa e seng tumelo ea hae. Tumelo ea hae e se na eona.

128 Joale a nahana sena, “Ke nyolohela mono. 'Me haeba ke e-ea, haeba ntho eo e lokile, ke tla e tšehetsa. Haeba e sa loka, ke tla khutlela le lineo tsa ka lapeng.”

<sup>129</sup> Ua tseba, o tlameha ho qoqa le batho ba itseng ba Pentekosta. Ke hantle. Uh-huh. Ke hantle. Ho tsoela kantle mona le ho ipitsa Pentekosta, 'me u tšehetsa mananeo a radio a somang seo u se lumelang? 'Me ke ea batho ba heno, ho thusa ho tšehetsa lenaneo la Molimo. Le a bona?

<sup>130</sup> Joale, empa o ile a nka chelete, gauta le libano, le joalo-joalo, 'me a bofella likamele tse 'maloa.

<sup>131</sup> Joale, ntho e 'ngoe, o ne a kene e—e leetong le kotsi. Hopolang, bana ba Ishmaele ba ne ba le teng lehoatateng, 'me e ne e le masholu. 'Me ho bonolo hakakang ho sehlopha seo sa masholu ho oela mofumahali enoa e monyenyanane holimo, balebeli ba 'maloa ba maqhalaha, le ho bolaea bao le ho ikhapela letlotlo lena lohle.

<sup>132</sup> Empa, u a tseba, ha u lapile 'me u nyoretsoe Molimo, ha u bone kotsi efe, ha u bone letho. U leka ho fihla ho Molimo, 'me kamehla Molimo o u hlokomela hore u fihla mono.

<sup>133</sup> O ne a batlile ho fihla mono. Ke takatso ea pelō ea hae eo, ka hona Molimo o tla mo hlokomela ho fihla mono. Joale, ha a ka a nahana ka kotsi eo le ka mohla.

<sup>134</sup> Ha u nahane ka kotsi. U se nahane ka ho nyatsuo. Ha u tsoelle seo motho e mong a se buang. Ha pelo ea hau e lapetse Molimo hona, morero o le mong feela ke ho fihla ho Eena. Ha ho phapang hore u tlameha ho fihla joang mono. Ke ho fihla mono feela! Joale, o ne a bolokile morero oo.

<sup>135</sup> 'Me joale, ntle le pelaelo, a nka mangolo 'ohle a mennoeng 'me a ntse a bala, ha a tsamaea. Ba tsoanetse ba be ba tsamaile bosiu, hobane, Lehoatata leo la Sahara, mahlaseli a otlolohileng ao a mochoso, a chesa haholo.

<sup>136</sup> Joale nahanang feela, o ne a loketse ho tsamaea bohole bo bokae, ho bona bohlale ba Salomone. Ha u ka e lekanya 'mapeng oa hau, ke hole haholo tlase mono, limaele tse ka bang makholo a mararo. 'Me lea tseba hore ho mo nkile nako e kae? Joale, ha a kena ka har'a Cadillac e pholisang moea, empa o tsamaile ka mokokotlo oa kamele. 'Me ea mo qosa matsatsi a mashome a robong, likhoeli tse tharo, ho fihla mono.

<sup>137</sup> Ha ho makatse Jesu o itse, "O tla ema le moloko 'ona 'me a o tsoe." Batho ba bang ba lula mose ho seterata, ba ke ke ba sira monyako moo ntho eo e etsahalang. Ke hantle. Amen. Ha ho makatse o tla ema Kahlolong le moloko oa joale, 'me a o tsoe. Che, athe re na le li-Cadillac tse pholisang moea, le literene le lifofane, le ka mokhoa ofe feela, Molimo o e behile hantle matsohong a hau 'me le joale ha re batle ho e etsa. 'Me o tsamaile bohole boo bohle ho utloa bohlale ba Salomone, 'me e moholo ho Salomone o teng mona, Morena Molimo ka Sebele! Lemohang!

<sup>138</sup> Joale re mo fumana a qala a parola lehoatata, a ntse a bala mangolo ao, qetellong a hatella ho fihlela a fihla mono.

139 Mohlomong o kene jareteng, jareteng ea ntlu ea borena kapa kae moo e neng e le teng, 'me a hloma litente tsa hae, e leng tloaelo mehleng eo, ka makhabunyane a hae le maqhalaha a hae, ba hloma.

140 'Me joale ha re nahaneng feela, hoseng ho hlahlamang, tšepe ea lla le—le literompeta tsohle tsa letsoa, 'mino oa tsoella, 'me a kena 'me a iphumanela setulo motšeo koana. O tlile ho fumana seo e neng e le sona, 'nete kapa che. O ne a batlile ho iphumanela. O ne a sa ikemisetsa ho lula tlase mono. Haeba a utloile ntho e khōlō ena, a ke ke a nka seo motho e mong a se buileng ka eona. O ne a batlile ho iphumanela.

141 Joaloka ha Filipi a boletse Nathanaele, thutong ea rōna ea maobane bosiu, ho itsoe, “Na ntho e molemo e ka tsoa Nazaretha?” Kapa ho tsoa ho... Ke tla hopola tulo eo motsotsong, moo A tsoang teng. Ho re, “Na ntho e molemo e ka tsoa Nazaretha?”

142 Ho re, “Tloo u bone. U se ke ua lula mono ua nyatsa. Tloo, u iphumanele.”

143 Hola re ka etsa ntho e tšoanang bosiu bona. Tloo, o bone! Nka Bible ea hau, hlahloba seo u bonang se etsahala. “Batlisisang Lengolo,” Jesu o boletse, “hoba Ao ke Oona a Mpakang.” Ke Lentsoe. 'Me Mangolo ka Sebele ke Lentsoe, ka baka leo E paka ka Eena ha Lengolo le fetoha Bophelo ho uena, ha Le bonahatsoa ka ho uena.

144 Joale re fumana hore o ne a balile mangolo, 'me a tseba semelo seo Jehova a neng a le sona: bohlae bohle. 'Me eitse ha a hloma litente tsa hae tse nyenyane, a bea limpho tsa hae morao hukung, ho fumana hore na e ne e nepahetse kapa che. Haeba e nepahetse, e lokeloa ke ntho e 'ngoe le e 'ngoe eo a nang le eona. Haeba e sa loka, e khutlise.

145 'Me ke nahana ntho e tšoanang bosiu bona. Haeba leano lena la pholoho leo re le hahamallang le lokile, re kolota sohle seo re nang le sona, bophelo ba rona, nako ea rona, ntho e 'ngoe le e 'ngoe ea rona. Haeba e sa loka, joale fumana se lokileng; hobane u na le bophelo bona bo le bong, 'me bo tla fela kapele. Batlisisang Mangolo, pele, 'me le bone haeba e bapa le Lengolo.

146 Re ntsoa fumana mosali enoa e monyenyane a chechisetsa setulo morao koana, joaloka ha bohle ba fihlang bocha ba leka ho etsa ka nako e 'ngoe. 'Me hoba terompeta e lle. Moruti Salomone a kena, a lula fatše. Kopano e ile ea qala. Likarete tsa thapelo li ile tsa bitsoa. E utloahala e le mpe, empa ke leka ho etsa ntlha. 'Me joale a fumana. A re, “Ke tla bona moo bohlae bona bo leng teng.” Ka baka leo ha mokuli oa pele, kamoo e tlileng, kapa potso efe feela, e fihlang ka pela Salomone, a e senola. A re, “Helang, ke hantle.”

147 Joale, o ne a sa batle ho re, “Ua tseba, monna eo o ruile bokhoni ba ho bala mohopolo, kea lumela.” Pelō ea hae ea qala ea lapa. A qala a lumela, letsatsi le letsatsi.

148 Qetellong ha fihla nako ea hae ea ho ema ka pela hae. O ne a ena le liphiri tse ling, le eena. 'Me eare ha a fihla pela Salomone, Bibe le boletse, ho re, “Ho ne ho se letho pelong ea hae le patehileng ho Salomone.” O ile a senola sephiri se seng le se seng se ka pelong ea hae.

149 Eitse hobane e etsoe ho eena, a ema pela sechaba athe ke mohetene, 'me a re, “Sohle seo ke se utloileng ke 'nete, le ho feta.” A re, “Ho lehlohonolo banna ba leng teng mona ho bona ntho ena e etsahala letsatsi le letsatsi.” Amen. Oh, ho eena—ho sa sala ho eena le phefumoloho, ho hang. Eitse ha a e bone e entsoe holim'a ba bang, 'me eaba e etsoa ho eena, 'me a lumela Molimo.

150 Ha ho makatse, ha ho makatse ha Jesu a boletse seo, “O tla ema le moloko ona.” Athe, ke Eo moo a neng a eme teng, A etsa ntho eona eo, e ngata ho feta feela, le mehlolo e matla ho feta; 'me keha ba eme mono, “Bontša,” ho re, “re bontše pontšo e tsoang Leholimōng.” Oh, batho ba ka fofala hakakang! O itse, “O tla ema Kahlolong, le moloko oona, 'me a o tsoe.”

151 'Me ka mora lilemo tse likete tse peli tsa thero ea Evangeli, 'me Moea o Halalelang o tšolohela matsatsing ana a qetelo, holim'a batho, lineo tsa Moea o Halalelang, le ho tšepisa hore temoho e kholo ena e tla khutlela hape ka hara kereke; o ne a tla etsang molokong ona mohla a emeng mono, ka mora nako ea hae le lilemo tse likete tse peli tsa thero ea Evangeli, matsatsing ana a qetelo ho bona lineo, e seng neo, empa lineo tsa Moea o Halalelang? A neela bophelo ba hae ho Krete. Hobaneng?

152 Ke tlameha ho koala, hobane ha ke . . . Ke batla—ke batla ho le rapella.

Metsoalle, le a bona, ba itse, “Re bontše pontšo. Re batla . . .”

153 Ke bona bothata ba Mapentekosta. Le batla ntho e 'ngoe, 'me le leng la matsatsi ana e tla ba hole haholo. E fetile pel'a hau hantle, 'me ha u a e tseba.

Hopolang, matsatsing a Elia, ba ne ba sa mo tsebe.

154 Matsatsing a Johanne Mokolobetsi, ba ne ba sa mo tsebe. 'Me o ne a boletsoe, ka Lengolo, hore e tla ba, “Ke roma lenqosa la Ka pel'a sefahleho sa Ka, ho hleka tsela.”

155 'Me esita le barutuo a ba tlile ho Eèna, ba re, “Hore'ng Elia a tšoanela ho tla?”

A re, “O se a tlile, 'me ha lea e tseba.”

156 Ba ne ba sa tsebe hoba Jesu e ne e le Krete, ho fihlela A shoel le ho patoa.

Ha ba tseba Irenease e ne e le setho kapa . . .

157 Ke tla bua sena, hore batho bohle ba tle ba tsebe. Ba ne ba sa tsebe Joan of Arc e ne e le mohalaleli oa Molimo, ho fihlela ba 'molaile. Kereke ea Katolike e chesitse Joan of Arc, joaloka moloi, hobane o bone lipono 'me a rapella bakuli, a busetsa bafu bophelong. 'Me kereke ea Katolike ea 'mitsa moloi, ea chesa mosali eo thupeng. 'Me lilemo tse ka bang makholo a mabeli hamorao, ba phaphama ba mo fumana e ne e le mohalaleli. Ehlile, ba entse pako e kholo, ba epolla litopo tsa baprista ba li lahlela nokeng. Bosaoana!

158 Empa shebang, e ka etsahala har'a rōna, hore ntho e ka fihla ea bonahatsoe ka ho hlaka ke Molimo Lengolong, le ke mahlale le ntho e 'ngoe le e 'ngoe, 'me e tla re feta 'me re ke ke ra e tseba. Le ho ema letsatsing la ho qetela, ho tsebahatsoa ka ho hlaka.

159 Motho o sa ntse a tšoana. Motho kamehla o rorisa Molimo ka seo O se entseng, 'me ba bua ka seo A tla se etsa, 'me ba nyemotsa seo A se etsang. Ke semelo sa motho seo.

160 Ha re Mo shebang, seo A se etsang joale. Ke Jesu Kreste eena maobane, kajeno, le kamehla, eena Jehova Molimo ea bonahalitsoeng ka ho Eena. "Ka letsatsi leo le tla tseba hobane Ke ne ke le ka ho Ntate, le Ntate o ka ho 'Na; 'Na ka ho lona, le lona ka ho 'Na." Molimo o theoha ho tsoa ho Topallo ea Mollo, ho ea ho Monna; 'me ho tsoa bophelong bo entsoeng sehlabelo ba Monna eo, Mali a re hlatsotseng a theohela ka ho rōna, ho boela setsoalleng hape, ho ntša kereke bakeng sa Edene hape.

161 Hobaneng? Joale ka khutso motsotso feela. Taba ee e entse'ng ho mosali eo? E ne e le morapeli ea hlaha, empa pelo ea hae e ne e nyoretsoe ho bona ntho ea makhonthe. O ne a batla ntho ea makhonthe.

162 Haeba u lapetse ho bona ntho ea sebele, Molimo o tla u bontša eona. U tla lula u fumana seo u se batlang.

163 E nkhopotsa, joaloka ha lona batho bohle le tseba hore ke . . . Ke ne ke qoqa le motsoalle oa ka morao mona, Moena Brown, nakoaneng e fetileng. Ha ke hopola Khaitsetli Brown o teng mona nqa e 'ngoe, o boletse; mo hlohonolofatse. Kamoo ke phetseng le batho bao tlase mono matsatsing ao a pele a bosebeletsi ba ka! 'Me Moena Brown e batla e le moena ea tletseng ho 'na, hoba o rata ho tsoma. Khaitsetli Brown o ile a mo rekela sethunya se secha sa Browning. Ka 'motsa haeba na o ntse a se bolokile. A re, "Ee." Ke tla mo sokollela ho sethunya, le leng la matsatsi ana, ho sutha nthong eo ea khale e sepharana.

164 Joale lemohang. Empa ho tsoma, ke ne ke tloetse ho kena merung e leboea ho tsoma khama, holimo koana, New Hampshire le Maine, 'me ke lehae la khama e mohatla o takiloeng bosoeu. 'Me ke tsamaea le molekane holimo mono, eo ke tsoimmeng le sona. 'Me e le setsomi se khabane, e ka ba kotara ea Leindia. 'Me u ne u sa tlameha ho touta ka eena; u ke ke ua lahlehelo ke eena, o tseba moo a eang teng. 'Me e ne e le setsomi

se khabane. Re ne re tla arohana, le libaka tseo re neng re kopana ho tsona ka nqane ho lithaba tseo tse tšoeu le merung e meholo, empa re ne re fumanana. 'Me re ne re se batsamai ba tsela; re ne re tsoma. Ke ne ke rata ho tsoma le Bert.

<sup>165</sup> E ne e le setsomi se khabane, empa e le monna ea khopo ho feta eo nkileng ka 'mona. Monna eo a le pelo e kang ea lejoe ka ho eena. O ne a le sehlōhō. O ne a le mahlo a kang a mokholutsoane, 'me eena—eena—o ne a le khopo, a le khopo feela. 'Me o ne a tloaetse a rata ho thunya malinyane, ke leseanyana la khama, ho nkutloisa bohloko feela. A bolaea malinyane ana a khama, 'me ke re, "Bert, ha u soabe ho etsa joalo?"

<sup>166</sup> 'Me o ne a re, "Le joalo lona bareri, pelo ea hau e a tetema."

Ke itse, "Bert, ha se pelo e tetemang. Hoo ke ho ba sehlōhō."

<sup>167</sup> Joale, ho lokile, ho lokile e—e—e bong ba khama kapa boholo. Haeba molao o u lumella ho bolaea khamanyane, tsoela pele ho e bolaea. Joale, Abrahamah o ile a hlaba namane 'me a e fa Molimo. Ho se letho le phoso ka leseha la khama.

<sup>168</sup> Empa ho a bolaea feela le ho a siea a robetse mono, ho khohlhala feela, ke polao eo. 'Me ha ke rate seo, 'me ke ne ke 'molella. Ke re, "Bert, u motsoalle oa ka, 'me ke a u rata, 'me u setsomi se hloahloa. O sethunyi se setle, sethunyi se nepang, sethunyi se iphotlileng." Ka re, "Kea u rata, empa—empa u a—u a—u sehloho."

<sup>169</sup> 'Me o ne a tla re, "Oh, Billy, hola u ne u se moreri, u ka be u le setsomi se hloahloa."

<sup>170</sup> 'Me ka re, "Mamela, Bert, u ka ba le botho tabeng ena." Ka re, "Ho phoso."

<sup>171</sup> A re, "Uena. . ." Ke bile ldpolesa la tlhaho ka lilemo, ua tseba. 'Me a re, "Uena, u lutse pabalong ea tlhaho halelele."

Ka re, "Che, lekhale."

<sup>172</sup> 'Me ka tsatsi le leng ka nyolohela mono ho ea tsoma. E ne e se e le morao sehlehang. Ke ile ka tšoara likopano tse 'maloa. 'Me lehloa le se le fihlile, li-inchi tse ka bang tšelela, lehloa le letle la ho latela mehlala. 'Me ka kopana le Bert, 'me a re, "Hela, Billy, ke u tšoareitse ntho e ncha."

'Me ka re, "Eng?"

<sup>173</sup> A ntša hempeng ea hae phalanyana, 'me a butšoela phalanyana ena. 'Me ea ka leseha khama le bitsang 'mè oa lona, le a tseba, joaloka khama e nyenyane feela, mololinyana oo li letsang.

<sup>174</sup> 'Me ka re, "Bert, ha u a ikemisetsa ho mpoella hore u tla—u tla etsa joalo?"

A re, "Oh, tloha mona, uena moreri."

<sup>175</sup> Ka hona tsatsi le hlahlamang ra ea tsoma. 'Me ka tloaelo re nka semenchisi, 'me—'me re nka botlolo ea—ea chokolete e

chesang, hoba e na le tsoekere ho eona, le a tseba, 'me ea re futhumatsa. Yaa, ho ho ka bata haholo holimo mono, nakong eo ea selemo. Ka hona re . . .

176 Sehla se ne se kene. 'Me—'me ha u thunya lithunya tse 'maloa, u bua ka Houdini ea bokhoni ho phonyoha, a se bokhoni bo lekanang le ba likhama tseo. Hobane, li ne li tloha hona joale, li khasa tlasa lihlahla kapa ntho efe, ebe li fula bosiu haeba ngoeli e ne e khanya. Hape, haeba li ne li sa etse joalo, li ne li ipolaisa tlala, pele li ka tsoa, hoba li tsebile e ne e le lefu ho tsoela kantle mono. 'Me ka hona sehla se ne se kene, batho esale ba tsoma liveke tse 'maloa.

177 'Me ra tsamaea hoseng hohle, 'me ha re a bona le mohlala o le mong. Ho ella motšehare o moholo, o ne a nketeletse pele. Re ne re nyolohela holimo tutulong, ebe re arohana re khutla ka litsela tse peli tse fapaneng, le ho khutlela kampong bosiu boo, mohlomong ho kena ka hora ea borobong, hora ea leshome. Ha re ka bolaea khama, re tla e fanyeha, bobeli ba rona re khutle tsatsi le hlahlamang 'me re thusane ho tla le eona. Ka hona re ne re nyoloha, ho arohana, 'me re ne re eso parole moeli oa moru.

178 'Me mashome a mararo ka morao ho leshome le motso o mong kapa hora ea leshome le metso e 'meli, Bert a inama. Lehloa le ne le teba haholo, holimō koana thabeng. 'Me ea ka o a inama, 'me ka hopola a nanabetse ho hong . . . Ha a bua hakaalo. 'Me a fihla morao mono, ka nahana hore o khoaolla lijo tsa hae tsa motšoare; le 'na ka ea lata lijo tsa ka tsa motšoare. Ka nahana, "Be, re tla ja. Mona ke hona moo re arohanang, 'me o tla pota le ka *mona*, 'me ke tla leba nqa e 'ngoe."

179 'Me a lula fatše. Ho e-na le sebakana se hlekehileng, se nka mohaho ona habeli, hanyenyane feela, seo re se bitsang, serapana sa joang. Ho eso bonahale mohlala hoseng hohle. 'Me a lula fatše mono pela sena, tlasa, pela lifate tse ling, e batla e le lebopo la lehloa; a nanabela *tjena*, eka o tla ntša botlolo ea hae—ea hae ea themose kapa semenchisi ea hae, a qala a e ntša. 'Me ka nanabela ea ka. 'Me a ntša phalanyana ena. 'Me a sheba nqa ea ka, ka mahlo ao a mokholutsoane.

180 'Me eaba o letsa phala ena. 'Me ha a letsa mololi ona, a hlile a khona ho e sebelisa, e lla joaloka khamanyana feela. 'Me ha a etsa joalo, ho makaleng ha ka, hantle mose oane ho sebaka seo se hlekehileng, ha ema 'mè khama. Eo ke khamahali, e tšehali; phoofolo e ntle, mahlo a maholo a masootho, le litsebe tseo tse peraletseng. 'Me a sheba holimo nqa ho 'na, *joalo*, 'me a betla pososelo eo e bosaoana. A sheba holimo ho 'na joalo, a busetsa phala ea hae. Ke ile ka nahana, "Bert, u ke ke ua etsa joalo."

181 A re, "Sh." 'Me ka bona e . . . A boela a e letsa, hanyenyane haholo, hasesane.

182 'Me, joale, ha e a tloaeleha ho khama eo. Nakong eo ea letsatsi, hora ea leshome le motso o mong ea letsatsi, ho tsoa?

Che. E ne e le eng? Lesea la hae le ne le le mathateng. Ea tsoha. Ka e shebella, ka mora sehlahla sena.

<sup>183</sup> 'Me a boela a e letsa. Ea nka mehato e 'meli kapa e meraro ho ea pele, ea tsoela hantle lepalapaleng.

<sup>184</sup> Ke ntho e sa tloaelehang ho hang. E, monghali, ha e etse hoo. Che, monghali. Empa e ne e le eng? Lesea la eona le ne le le mathateng.

<sup>185</sup> 'Me ea tsamaea likhato tse 'maloa ho ea pele, litsebe tse kholo tseo, ea qamaka mathokong. 'Me Bert oa khale a sheba ho 'na. 'Me ka nahana, "Uh-oh." Ka 'mona a lahlela khaketla lopong eo ea mashotharo-noto-tšelela, 'me a theola lerumo.

<sup>186</sup> Ho se phahamisa, 'me moriri oo oa sefapano o beiloe hantle pelong ea eona. 'Me eitse ha a phahamisa sethunya sa hae, khama ea bona setsomi. Ea retoloha.

'Me eaba o butšoela phala eo hape.

<sup>187</sup> Le a tseba, ka tloaelo khama eo e ka be e nyametse. Empa e seng eona. Hobaneng? E ne e le 'mè. E ne e sa manehe letho. Ka hare ho eona, e tsoetsoe e le 'mè. Lesea la eona le ne le le mathateng. Leha e tsebile e ka qosa bophelo ba eona, e sa tsotelle. E ne e le 'mè. E ne e sa manehe ketso e itseng. E ne e le bophelo ba 'nete, bophelo ba eona. E ne e le 'mè.

<sup>188</sup> 'Me ka bona setsomi se hula sethunya sa sona; 'me e le sethunya se nepang. 'Me ka sokolla hlooho ea ka. Ke sitoa ho e sheba. Ka nahana, "Monna eo ea pelo e khopo a ka phatlola joang pelo eo e khabane e futhelang lese a eona? A ka phatlola joang pelo ea eona a e ntša ho eona?" 'Me ka tseba hoba kulohali eo ea lithollo tse lekholo le mashome a robeli e ne e tla fotholela pelo ea eona kantle, bohologeng boo. Ka nahana, "A ka e etsa joang?" 'Me ka furalla, hore ke se ke ka e sheba.

<sup>189</sup> 'Me ka qala ka rapela. Ka re, "Ntate oa Leholimō, monna eo a ka khohlalala hakaale joang? 'Mè eo ea ratehang, a ke ke a ithusa. Ha a take pontšo. Ke oa makhonthe. 'Me ke—'me ke 'mè, 'me o a bitsoa, o leka ho fumana lese a la hae. Leha e ka qosa bophelo, lese a la hae le mathateng." 'Me ka rapela, ka bonna, ho mamela nako efe feela ho utloa hamore eo e thunya, e oa, 'me sethunya seo se rora. 'Me ke ne ke eme mono feela ke itšoare *tjena*, ke rapela.

<sup>190</sup> Ka lebella, ka lebella. Sethunya ha sea ka sa khabola. Ka ema nakoana feela. 'Me ka retoloha ho sheba, 'me o ne a ea *tjena*. A sa khone ho tsitsisa sethunya. Ka retolohela ho eena.

<sup>191</sup> A lelala ho 'na. Chebeho ea hae e fetohile. Mahlo ao a mokholutsoane a ne a theohetse nthong e 'ngoe. Likeleli li ne li theoha marameng a hae. A lahlela sethunya fatše. A re, "Billy, ke khathetse ke ntho ena ho lekane. Nkise ho Jesu eo o buang ka eena."



192 Mono holim'a lebopo la lehloa, thapama eo, ka tataisetsa monna ea pelo e khopo eo ho Jesu Kreste. Hobaneng? Hobane o bone ntho ea makhonthe, ntho e sa manehoang, ntho ea makhonthe.

193 Oh, lefatše lena le lapileng le batla ntho ea sebele, ntho e sa manehoang, ntho ea makhonthe, e tsoetsoeng ke Molimo, e tsoang Bibeleng. Na uena, thapama ena, 'mè, moena; na uena, Mokreste, ha u rate ho fumana Jesu Kreste pelōng ea hau, Moea oa Molimo o mokaalo ka pelōng ea hau, o ka u khannelang ho etsa lintho tse tšepelang hakana joaloka khama eo ho lesea la eona? Na u ke ke ua rata ho ba Mokreste oa mofuta oo? Na u ka rata ho rua pholoso ea mofuta oo e ka . . . uena . . . lefu kapa letho e sele, 'me feela e—e lerato la Molimo pelong ea hau, joaloka ha a ne a le lerato ho lesea la hae?

194 Joale e ka etsoa ka mokhoa o le mong feela. U ke ke ua e khona ka ho ingolisa le kereke. U ke ke oa e khona ka ho ngola lebitso la hau bukeng. Eka khona e be 'nete. E tlamehile ho ba ea makhonthe. E tlamehile ho ba tsoalo. E tlameha ho u fetola, ho tloha boikaketsing feela, ho ea ho Mokreste oa makhonthe.

195 U itse, “Na le hopola lerato le ka ba le leholo hakaalo? U nahana hore A ka nthata?”

196 A re, “Mè a ka lebala lesea la hae le anyang, empa Nke ke ka u lebala. Mabitso a lona a betliloe liatleng tsa letsoho la Ka.”

197 Molimo o tlile lefatšeng, ka sebopelo sa Motho, 'me—'me —'me a Ikoaholla, a phuthulla tente ea Hae; ho tloha ho Jehova Molimo, ho fetoha Monna, ho emela lihlong le thohako. Jehova Molimo o monyenyanane ka sejelong, tlasa qubu ea moiteli, tlasa mono a lla sejelong; Molimo, 'Mopi oa Maholimō le lefatše, o eme mono ka nama ea motho, ho Ipelesa lefu la libe tsa hau, hore A tle a u lokolle ho ba Mokreste ho feta kamo khama eo e neng e le 'mè. U ka hana lerato le joalo joang le sa lekangoeng? Hape, ntle le moo, O ngotse Lentsoe la Hae. Hoo ho lekane. U ke ke oa amohela lentsoe la ka, u tlameha ho . . . ho tla itokela, empa e seng Eèna. O nyolohetse Holimo 'me a neha batho lineo. O khutlile ka sebopelo sa Moea o Halalelang, oona Molimo oo, ho bula pelō ea hau, ka Mali a pheko.

198 “Ka hona le phethehe, joalokaha Ntata lona ea Maholimong a phethahetse.” Ha ho le a mong oa rōna ea ka bang seo. 'Na, ha ke shebe seo ke leng sona. 'Na, ha ke na tokelo. Ha u na tokelo. Ke mang ea nang le tokelo? Ha ke shebe seo ke leng sona; ke sheba seo A leng sona. Ke Eèna ea neng a shebiloe. Ke Sehlabelo sa ka. Ha kea lokela ho ema mona joaloka moreri. Holane ke balile tokelo ea ka, nka—nka ne ke Liheleng, le uena u ka ba joalo. Empa ha re shebe seo re leng sona.

199 U re, “Nke ke ka etsa joalo. Nke ke ka bitsa. Nke ke ka ama seapara sa Molimo. Ke ne ke sa khone ho etsa *sena*.”

200 Oh, le ka khona! Shebang se hlhileng? O shoele, hore u tle u khone, hore u tle u bolokehe. Seo ke 'nete. Na u ka rata ho ba joalo, 'me u rata ho hopoloa ka thapelo? Phahamisa letsoho la hau, ho re, "Nka rata, Moena Branham."

Ha re inamiseng lihlooho tsa rōna.

201 Ka lihlooho tsa rōna tse inamisitsoeng, tloo ka mosa, ka boikokobetso joale. Ha re na sebaka sa ho memela aletare mona. Esita le aletare ha e eo. Empa Bibeletse e boletse, "Bongata bo lumetseng, ba kolobetsoa." Memo ea aletare, e kene mehleng ea Methodise, etsoe e itoketse. Empa mehleng ea Morena oa rōna le baapostola, bao "ba lumetseng Bophelong." Le "pholositsoe ka tumelo, ka mohau." Haeba u eso fumane boiphihlelo boo bosiueng bona, moena, khaitseli!

202 Basali, haeba u se na mohau o lekaneng pelong ea hau, bosiueng bona, ho tseba Bibeletse e u ruta ho emisa ho poma moriri oa hau, ho apara lishotso le ho tloa meikapo! Haeba u se na mohau o mokaalo pelōng ea hau, bosiueng bona! 'Me u tseba Bibeletse e u ruta joalo. A ke ke a fetoha. U re, "Ha ke apare lishoto. Ke apara lileke." Ho hobe le ho feta.

203 Molimo o itse, "Mosali ea aparang seaparo sa monna, ke manyala ho Molimo."

204 'Me uena monna ea sa khoneng ho emisa ho hobola mahlo le ho sheba basali ba apereng ka ho nyeliseha, melingoana ea letsatsi! Uena monna ea se nang mohau o lekaneng pelong ea hau ho etsa hore mosali oa hau le bana ba khaotse ho etsa ntho e kang eo, lerato la Molimo ha le a ankoroa pelōng ea hau; u se ke ua bitsoa mora oa Molimo. U sa le Sodoma, monna ea sa khoneng ho busa ntlu ea hae; Molimo o mo khethile ho etsa hoo.

205 'Me lona batikone ba nyetseng habeli kapa hararo! 'Me lona banna ba mathang ka ntle ho basali ba lona, 'me le leka ho tiisetša maipolelo a lona! Lona basali ba nkileng tsela esele! Lona batho ba ipatang ka mora kobo ea kereke! Bolumeli ba hau ha bo amane le mothaka ea latelang ka letho, e ke e be Mokreste kapa che; ha e se setho sa sehlopha sa hau, ha u batle ho amana le eëna ka letho. Ha u soabe!

206 Molimo a ke a pepesoe hantle, bosiueng bona, ho uena. U tle ho Eëna, ka mosa joale, le ho re, "Morena, ntsoarele libe tsa ka. Ho tloha bosiueng bona, ho ea pele, ke tla U sebeletsa."

207 Lona ba ratang lenaneo la thelebishene, le tla lula hae ho bona khalalala e itseng e sa hloekang ea litšoantšo joaloka *Re Rata Sacy* kapa nyee eo ba e tšoereng, ho lula hae ka Laboraro bosiu ho shebella thelevishene sa ho tla phaposing ea thapelo, lerato la Molimo le tlohile pelong ea hau. U etsa joalo, 'me u sa ntse u bolokile lengolo la botho ba hau? Lerato la Molimo le tla u leleka nthong eo, le ho u khanela kerekeng ea hau, ho moena oa hau—oa hau le khaitseli; ho phutheha 'moho, ho lula libakeng tsa Leholimo le ho mamela molisa oa lona a rera. 'Me e—e tsoseletso,

kapa liahelo, li a fèla joale. Haeba ntho eo e sa lutse pelōng ea hau, ha re rapeleng 'moho joale Molimo a tle a e tlose.

<sup>208</sup> Morena Jesu, re tla ka boikokobetso, re tla ka lipelo tse hlabehileng, Morena. Bohle re molato. Re sitetsoe Melao ea Hau. Re tlotse melao ea lerato la Hau e re pholositseng. Kereke boeona e kene sefitahlohoaneng le mananeong a kaho, le mefuta eohle ea lintho; le ho siea tšebeletso ea thapelo le—le Moea o Halalelang bakeng sa ntho e 'ngoe hang kapa habeli ka veke, athe e tlameha e be e lutse lipelōng tsa rōna le kelellong molebe. Re tšoarele, Morena.

<sup>209</sup> Tšoarela bareri ba rōna, Morena, ba tlang ho ema sefaleng 'me ba le lihlong ho tumisa Evangeli e tletseng ea Krete. Ke ba bakae ba bona kajeno. . . Lefatše lohle le fetohile Sodoma. Baruti ba bangata ba lutseng pharisheng ea bona, bosiuang bona le hosane, kapa setading sa bona, ba leka ho fumana mantsoe; le ho matha ho haola le Lentsoe la Molimo, le ho bona libe, empa ba tšaba ho bua letho ka eona, hobane ba tla khaola. Lekhotla la batikone le tla ba emisa, 'me ba tla porotoa lintlukhōlo 'me ba ntšoe, athe ba tseba ba tlameha ho rera khahlano le sebe. Ke Lota, hape, "Libe tsa Sodoma li ne li sotla moea oa hae o lokileng." Empa motho ha a na sebete. Joaloka Lota, o ne a se na sebete sa ho ema.

<sup>210</sup> Ke a rapela, Molimo, hore U tla re tšoarela lintho tse kang tseo. Re tšoaane le Pauluse oa mehleng, "Ha kea ka ka tsoafa ho le bolella tšoaanelo eohle ea Molimo." Re tšoarele kaofela, Ntate.

<sup>211</sup> Joaloka pale e nyatsehang ena, ea letsatsi le batang leo la Pulungoana, holima thaba eo mono; kamoo monna eo, bosiuang bona, ke motikone kerekeng holimo mono, Mokreste ea tšepelang, hobane khama ea 'mè e ile ea hlaha 'me ea bontša ntho ea sebele. U itse, "Ha—ha ba ka khutsa, majoe a tla hooelets'a."

<sup>212</sup> Kea rapela, Ntate, hore U tle u re fe ntho ea makhonthe, bosiuang bona, e tlang ho hulela maikutlo a rona ho Krete, ho re tsebisa hore O mahareng a rona, bosiuang bona.

<sup>213</sup> Matsoho a bakang a phahame, makholo a bona. Ba tšoarele, Morena. Joale ke a U hopotsa, Morena, ka Lengolo leo U le boletseng, "Ha ho ea ka tlang ho 'Na a sa huloe ke Ntate oa Ka pele." Ba ka phahamisa matsoho a bona joang U sa ba hula? Ha ba phahamisa matsoho a bona, ba roba molao o mong le o mong oa mahlale. Khoheli e lepeletsa matsoho a bona. Empa moea o ne o ahile ka ho bona, 'me ka Moea ka bona, o itseng, "U phoso. Phahamisa matsoho a hau." 'Me e hanetse melao ea khoheli, 'me ba phahamiselitse matsoho a bona ho 'Mopi, "Nkhuhele, Molimo."

<sup>214</sup> 'Me U itse, "Bohle bao Ntate a 'Neileng bona ba tla tla ho 'Na. Nke ke ka ba lahlela kantle. Ke tla ba fa Bophelo Bosafeleng, le ho ba tsosa letsatsing la bofelo." U itse, "Ea utloang Mantsoe a

Ka 'me a lumela ho Ea Nthomileng, o na le Bophelo ba kamehla, 'me a ke ke a tla Kahlolong, empa o tlohile lefung ho kena Bophelong.”

<sup>215</sup> [Sekheo lebanteng—Mohl.] . . . 'Musong oa Molimo, ho etsa litho tse tšepelang tsa 'Mele oa Krete. 'Me likereke tsa bona, tsa bareri bana, li ke li hole le ho hola ka litho, ho tsoalloa labobeli, 'Musong oa Molimo. Hlohonolofatsa baena ba ka, mang eo ba mo rapellang a fole; Evangeli eo ba e bolelang, e se oele mobung o thata, o majoe, empa lipelong tse bonolo.

<sup>216</sup> Aba sena, Morena, 'Muso oa Molimo o tle o theoe kapele lefatšeng. U tlela bonkhetheng ba Hau. Ka tsatsi le leng Konyana e tla tloha serapelong, ho tla le ho nka Buka letsong la Eo E leng Mong'a thepa oa eona. Mohla motho a tlotseng, 'me Buka ea Bophelo e ile ea khutlela ho Mong'a eona oa mantlha. Motho, bophelo bohle bo ne bo lahlehile; 'me ho se motho, Leholimong kapa lefatšeng, ea nang le tokelo. Empa e—e Konyana ea hlaha, Konyana e Mali e hlabiloeng esale ho theoa lefatše, e tlleng ea nka Buka ea Topollo ea E phetla. Molimo, lebitso la ka le be teng mono. Lebitso le leng le le leng mona le ngoloe Mono, Morena, le lopoletsoeng morero o moholo 'ona oa topollo. Aba sena, Ntate.

<sup>217</sup> 'Me joale re ba nehela Uena. Ke ba neela Uena. 'Me haeba e mong a le teng mona ea eso kolobetsoe kolobetsong ea Bokreste, ba ke ba tsoele kapele, ka khato ea tumelo, le ho ipolela ba le phoso, le ho kolobetsoa ka Lebitso la Jesu Krete tsoarelong ea libe tsa bona, le ho tlatsoa ka Moea o Halalelang. Aba sena, Ntate.

<sup>218</sup> Na U tla re utloa, Ntate, thapelong ena, re sa U hlahisetsa eona ka boikokobetso, ka Lebitso, Lebitso le bokhoni-bohle ho thoe Maholimo 'ohle le lefatše li bitsoa, Jesu Krete. Amen.

Se teng Seliba sa Mali,  
A montsoeng metsong ea Emmanuele,  
'Me baetsalibe ba goelang tlasa moroallo,  
Ba lahla sekoli sohle sa molato.  
Ba lahla sekoli sohle sa molato,  
Ba lahla sekoli sohle sa molato;  
'Me baetsalibe ba goelang tlasa moroallo,  
Ba lahla sekoli sohle sa molato.

<sup>219</sup> Na ha le rate lifela tseo tsa khale? Tsoelang pele. Na ha li babatsehe? Ho betloa ke Moea o Halalelang. Keli rata feela. Ke nahana lifela tsa jubilee li lokile, empa ke rata lifela tsena tsa khale tsa Mali, lifela tsa Tumelo. Ha re se bineng, temana e 'ngoe, ka mokhoa oa mahaeng, oa naha, kamoo re se binneng morao maralleng lilemong tse fetileng.

Lesholu le shoang la thabela ho boha (monyetla  
oa Lona oa ho qetela.)  
Seliba seo mehleng ea sona;  
'Me teng 'na, leha ke le mobe joalo ka eena,

Hlatsoitse libe tsohle tsa ka.

220 Ha re koaleng mahlo a rona 'me re se binele Kreste hamonate.

Lesholu le shoang la thabela ho boha  
 Seliba seo mehleng ea sona;  
 'Me teng 'na, leha ke le soto joaloka eena,  
 Ke hlatsoe libe tsohle tsa ka.  
 Hlatsoa libe tsohle tsa ka,  
 Hlatsoa libe tsohle tsa ka;  
 'Me teng 'na, leha ke le soto joaloka eena,  
 Ke hlatsoe libe tsohle tsa ka.

221 Oh, na ha le utloe hohliloe hohle kantle kahare, ho utloa monate oa Boteng ba Molimo? “Joale le bara ba Molimo. Joale re phahamiselitsoe libakeng tsa Leholimo ka ho Kreste Jesu,” ka borena bohle, re neiloe Maholimo le lefatše. Na le kile la nahana taba eo?

Motho o re, “Na u na le matla?”

“Che, empa ke na le borena.”

222 Eka lepolesanyana le emeng kantle mona seterateng, thakanyana le kepisi e mo koahetseng litsebe, boima ba liponto tse ka bang lekholo, beche e mo khomaretse. 'Me sehlopha sa makoloi ke sena se theoa ka tsela, se etsa limaele tse lekholo ka hora; e 'ngoe le 'ngoe ea tsona, matla a lipere tse makholo a mane kapa tse makholo a mahlano. A ke ke a emisa le e le 'ngoe ea tsona. Empa ere a phahamise letsoho leo. Uh-huh. O na le borena. Ke eona ntho e etsang khiritsang mariki. Ha se matla a hae. Ke borena ba hae.

223 'Me re na le borena, ka Jesu Kreste. Ke ka baka leo matemona a hooeletsang. Le a bona? E seng ka hoba re ena le matla, empa re na le borena. Moea o Halalelang o teng mona, borena ba Molimo. “Mesebetsi eo Ke e etsang, le lona le tla e etsa.” “Jesu Kreste eena maobane, kajeno, le kamehla.” Ke a Mo lumela.

224 Joale re lutse libakeng tsa Leholimo, ka pel'a Sefahleho sa Kreste, ho phahamisetsoa holima lipelaelo tsa lefatše, ho kena selikeng sa tumelo. Ho ka etsahalang mona bosiuang bona? Ho ka hlaha Pentekosta e 'ngoe. Ntho e joalo e ka etsahala hantle mona, bosiuang bona, joaloka ho Liketso 2. Ke hantle.

225 Kreste o teng mona. Hola re ka tlosa bothata ba lipelo tsa rona! Na O na le rona? Na ke 'nete? Na Kreste o mahareng a rona? O tšepisitse joalo. U ka Mo tseba joang? E seng ka chebeho ea Hae, empa ka mesebetsi eo A e entseng. Ke seo A se tšepisitseng, 'me O boletse A tla e etsa.

226 Molimo, re thuse bosiuang bona, etlere ha re tloha mona, thapelo ea ka ke... 'Me ke tla e bua feela ka mahlo a ka a bulehileng, ho lōna batho ting. Ke le rapella ho bona ntho ea sebele, Molimo a tle a etse ntho ea sebele, bosiuang bona, ho fihlela u bua joaloka ba tsoang Emmause, ha le ea malapeng a

lona, “Na lipelo tsa rona li ne li sa chese ka ho rona?” Le a bona, li ne li. . .

227 Jesu o ne a thakhisitsoe, 'me a shoa, a patoa, ho ne ho hlahile menyenyesa e Mo boletseng a tshile hape, 'me A tsamaea le bona letsatsi lohle 'me ba sa Mo tsebe. O tsamaile le batho ba bangata, athe ha ba e tseba. Ke Eena ea *mo* babaletseng ho hlaheloa ke kotsi eo a tla mona; ke sona se folisang lesea la *hau*; Krete, 'me mohlomong ha u a leleloa.

228 Empa bosiu bo bong A ba fumana Emmause, Kleopa le motsoalle oa hae, 'me ba koala menyako, eaba O etsa ntho e tsoanang le eo A e entseng pele ho thakhiso ea Hae. Ba tseba hoba e ne e le Eena, tshong ea Hae. Ba titimela ho bolella ba bang.

229 A ke a etse ntho bosiu bona, joaloka ha A entse pele ho thakhiso ea Hae, ho rōna; hore rona, ha re tsoa Emmause, re tle re bolelle ba bang, “Lipelo tsa rona li ne li chesa ka ho rona.” Re ke re bone ntho ea 'nete, e seng hakaalo ea thuto e itseng e ncha kapa ho hong; empa thuto, eo re e tsebang, e bonahatsoa ke matla a Molimo.

230 Maobane bosiu ke bitsitse mola oa thapelo, ho nyoloha, leleiti le holofetseng le joalo-joalo, le folile. Mapaki! Motho ea sa rutehang feela; re tlamaha ho lula mona hanyenyane, ha e a lekana ho le tseba. Ka mono nka qhautsa maikutlo a batho, ho re, “O ntse a bala mohopolo oa bona.” Ka leka ho furalla batho le ho le bontša hore e ne e se ho bala mohopolo.

231 Bongata ba lona mekaubere mona Arkansas le hopola mohla ke ne ke tsoara letsoho la motho, kamoo A mpoleletseng kateng, “E tla etsahala, ha u ka tšepahala, u tla tseba lona lekunutu la pelo ea bona.” Le sa e hopola, kaofela ha lona? Le lintho tseo A li entseng, lefatše ho pota, hohle!

232 Le se le bale makasine oa *Life* joale, khoeli e fetileng. Ho bona moo A lepileng se tla hlaha, 'me mono keha ho eme, lipaki mona bosiu bona tse neng li le teng ka mono. Esita le mahlale ha a tsebe letho ka eona. Ba ipotsa lebaka la eona; empa ke lona.

233 Joale, shebang, ke tla qotsa Lengolo le lecha bosiu bona. Bible e boletse, ho re, “Jesu Krete ke Moprsta e Moholo ea ka angoang ke maikutlo a mahlomola a rōna.” Na ho joalo, baena? Leo ke Lengolo. Joale, haeba E le Moprsta e Moholo ea ka angoang ke maikutlo a mefokolo ea rōna, joale ha u ka Mo ama, O ne a tla sebetsa, haeba A tsoana le seo A neng a le sona, O ne a tla sebetsa joaloka ha A entse mohlantso. Hobane u ke ke. . . U ka Mo tseba joalo feela, ke ka khato ea Hae. Ua bona?

234 Moikaketsi ofe a ka ba le mehoabali letshong la hae, le mali kapa eng, empa bophelo ke bona bo e bolelang. Ua bona? Nka tsoara sefate 'me ka ka se tlamella mahlaku, kantle mona, a sefate se fapaneng, empa se beha tholoana ea mofuta mong? Le a bona?

235 Joale, Bophelo ba Kreste bo phela ka ho uena, haeba Bophelo boo ba pele bo tsoileng lekaleng leo. . . Joale ha A na matsoho joale haese a hau le a ka. Ha A na lentsoe haese la ka le la hau. Le a bona, morara ha o behe tholoana. Lekala le beha tholoana. 'Me haeba lekala le behileng lekaleng la pele le tsoang morareng oo, joaloka ha ke boletse, ba ngotse Buka ea Liketso ka mora lona. Haeba le ka hlahisa morara o mong oa mantlha, o tla ngola Buka e 'ngoe ea Liketso ka mora 'ona. E tla be e le Moea o le mong, hobane ke Bophelo bo tsoanang kahara morara ohle. Lekala le leng le le leng le behang le tla ba teng Mono.

236 Joale ke batla le lemohe taba, re sa lutse mona. Ke ba bakae ba lona ba lumelang hore Kreste o teng mona? Ba kulang har'a lōna ba bakae? Phahamisang matsoho a lōna. Ke ba bakae ba lona ba lumelang hore le na le tumelo e lekaneng, hore le tle le ame seaparo sa Hae, O ne a tla sebetse ka mokhoa o tsoanang?

237 Nke ke ka mema mola oa thapelo. Ho e bitsa feela, ho e lumella ho tsoa mona. Eo ke phephetso ea tonana. Empa le na le tumelo e ngata, 'me ke lumela Molimo a tla e hlompha.

238 Joale ke tliil'o sheba holim'a letšoele, 'me ke batla ho bona haeba motho a le teng eo ke mo tsebang har'a letšoele. Ke tseba Moena Tracy Boutliere ea lutseng mono. Moena enoa mona, ha ke tsebe bareri bana hantle mona. Moreri e mong morao mono eo ke mo tsebang. Kante ho moo, holim'a boholo ba Bibeletse ea ka, 'me E leng holim'a pelo ea ka. . . Ha ke hlapanye, hobane Bibeletse e boletse ho se etse hoo; empa ka Bibeletse ea ka holim'a pelō ea ka, ha ke bue leshano. Ha ke bone motho eo ke mo tsebang, kathoko ho Jim Maguire.

239 'Me haeba ke sa kholiseha, moena eo ke kopane le eena tabernakeleng tsatsi le leng. Ho kopana le eena feela. Ke lebala lebitso la hae. O a. . . o sebetse tabernakeleng e Jeffersonville. Na ho joalo? Joale, ke eena feela motho eo ke mo tsebang, eo ke iponang ke mo tseba.

240 Joale, hola Jesu a le teng mona, 'me u batla ho folisoa, 'me u ka Mo kopa, "Morena, na U ka mpholisa?"

241 Mona ke eng. Haeba A ne a eme mona a apere sutu ena eo A mphileng eona, O ne a ke ke a le folisa. O se a e entse. Le a bona, e ne e phethoe Kalvari. 'Me lefatše lohle la bolokeha, lefatše lohle le ile la tsoareloa, sohle se etsahetse Kalvari. Bona, "O *hlabetsoe* makhopo a rona, re *folisitsoe* ka maqeba a Hae," nako e fetileng. Le a bona?

242 Joale u tlameha ho etsa ho le hong feela. E ke ke ea u thusa ka letho haese ha u e lumela; e seng ho e utloa. Jesu ha eso re, "Na u e phopholelitse?" A re, "Na u e lumetse?"

243 Ke bone batho ba phahamisa letsoho la bona, ho re, "E phopholetse! E phopholetse! E phopholetse!" Ha A eso rialo.

A re, "Na u e lumetse?" Tumelo, le a bona.

244 Lemohang, joale. Haeba E le Mopriska e Moholo eo, O tla tlameha ho sebetsa ka ho tšoana. Ho sa tsoetelehe A ka ntlotsa hakae, O tlameha ho u tlotsa, le uena.

245 Helang, ke bona monna eo ke mo tsebang. Mongh. Way ke eo, monna ea ileng a shoela ka kerekeng tsatsi le leng, eo Molimo a mo buselitseng bophelong, ea lutseng hantle mono. Le moreri ea lutseng pel'a hae, eo ke mo tsebang, o lutse hantle mono pel'a hae. Empa ka mantsoe a mang, sena . . . E, kea kholoa ke bona moena enoa, enoa ke moena oa hae eo ke kopaneng le eena tlase mono le lelapa la ha Blackwell kajeno, re ntse re rapela ka lapeng.

246 Empa lona batho ba lumelang ho Eena, 'me le lumela hore le ka Mo ama, ke tla le botsa ho hong. Joale, 'na ke moena oa lona, feela e—e—e monna, joaloka monna oa hau, kapa moena oa hau, kapa molisa oa hau, monna feela. 'Me joale, mono, ha se kantle phaposing e lefifi, joaloka liabolosi ea itseng. 'Me, liabolosi ha a etse joalo, le hona. Na u kile ua utloa liabolosi a rera Evangeli, ho pholosa meea le ho e folisa? "Efela ha Satane a leleka Satane, joale m'muso oa hae o arohane," Jesu o boletse. Che.

247 Empa hantle mona, le a sheba le ho lumela hobane Jesu esale eena Mopriska e Moholo eo e neng e le Eena, 'me u re, "Morena Jesu, ke a kula. Kapa, ke na le 'mè ea kulang ea lutseng mona, kapa moena ka tlung. Morena, ke—ke—ha ke khone ho lefa molato oa ka. Nthuse. Ke tla—ke tla ipolela libe tsa ka tsohle. Ke—ke—ke moetsalibe; ke—ke batla ho lokisa litaba le Molimo." Ntho e 'ngoe, Mo kope. Ho Mo ama, joaloka Mopriska e Moholo, le ho bona haeba A sa itšoare kajeno joaloka ha A entse mohlang oo. Hoo ho Mo supa a le har'a rona.

248 Joale, ke lumela A tla e etsa. Ha ke. . . Ha A eso ntšobise, lilemong tsena tsohle. Ke—ke a Mo lumela. Empa le ka utloisisa ke qholotso e kakang eo. Empa ha se. . .

Motho o itse, "Ha u tšabe na?" Che, monghali.

249 Nka tšoha joang, athe ke Eena ea emeng hantle mona pel'a ka? Eena, ke Lentsoe la Hae; ha se la ka. Ke mpa ke bua seo A se buileng, ao ke maipolelo a ka. *Maipolelo* a bolela "ho bua ntho e tšoanang." Lengolo, e leng Molimo, Molimo ka sebopeho sa letere. "Lentsoe le ne le etsoe nama la aha har'a rona." 'Me Lentsoe e sa ntse e le Molimo. 'Me Lentsoe le itse, "Ke oa maobane, kajeno, le kamehla." E itšetlehile ho Eena ho Le thasisetsa. Ke lokela ho Le lumela. Joale u Le lumele.

250 Joale ke batla e mong le e mong oa lona, ka khutso, ka boimamelo, ho hlahisetsa Molimo thapelo, le ho re, "Morena Molimo, nthuse. Ke a tseba monnanyana eo oa khale ea mahetla a kobehileng ea emeng holimo mono ha a tsebe letho ka 'na, empa U a ntseba. 'Me ha feela U ka etsa joalo, 'me oa pheta Lengolo bakeng sa ka bosiyung bona."

251 Joaloka mosali ea amileng seaparo sa Hae. Hantle-ntle ha a utloa kamo ea letsoho, hobane, joaloka ha ke le boleletse, seaparo



sa Palestina se a lokotseha; seaparo sa ka hare, se setenya. Likobohali tse boima, ha A le utloa. 'Me O itse, "Ke mang ea Nkamileng?"

<sup>252</sup> 'Me Petrose a Mo khalema, a re, "Morena!" Khele, a Mo nka 'me a Mo khalemella eona. Ka mantsoe a mang, "E utloahala e le hlanya ho Uena ho e bua. Motho e mong le e mong o U kopetse ka matsoho, ho U phathatsa mokokotlong. 'Ke mang ea Nkamileng?"

<sup>253</sup> A re, "Empa molemo o tsoile ho 'Na. Motho o Nkamile ka kamo e fapaneng."

A na u ka etsa seo bosiueng bona?

<sup>254</sup> Kea inehela. Joale hopolang, ke semumu ka botlalo linthong tsena, kantle ho 'Muso oa Molimo. E tsoana hantle le maekerofounu ena. Maekrofounu ena ha e bue; e ka bua feela ha ntho e bua ka eona. 'Me re tsoana hantle feela le maekerofounu eo, lebakeng lena. Ha ke u tsebe, empa ho nka ntho ea buang ka eona mona.

<sup>255</sup> 'Me u e lumele, 'me u be le tumelo ho Molimo, 'me Molimo o tla e aba. Lea e lumela na? Joale lumelang feela. E bang le tumelo, 'me le se belaele. Lumelang ho Morena Molimo. Joale rapelang feela, le apare tšabo ea sebele, 'me le bone feela.

<sup>256</sup> Joale, Ntate oa Leholimō, ke buile halelele. Ho na le batho ba lutseng mona ba habileng Bosafeleng, e mong le e mong oa rona. Lihlooho tsa rōna li inamiselitsoe lerōleng, moo U re ntšitseng teng; 'me ha U ka lieha, re tla khutlela leroleng leo. Disipiriti tsena le li lisoule tsena tse leng ka ho rona, li tsoanetse ho khutlela ho Uena bakeng sa Kahlolo.

<sup>257</sup> Joale, Ntate oa Leholimō, re U rapela ho hlompha Lentsoe la Hau bosiueng bona. Ke buile ka Uena, joale bolela hore ke buile 'Nete, Morena. Ke mohlanka oa Hau. Ke inehela ho Uena. 'Me ha motho a le teng ka mona, Morena, ea nang le tumelo ea mofuta oo, ea ka khonang ho hlahisa ponahatso ea Jesu Krete; ho bontša hoba pontšo eo A e tšepisitseng, pontšo ea ho qetela ho kereke ea Balichaba, e tla etsahala; kereke ea mokhethoa, joaloka sehlopha sa Abrahamama, se bitsitsoeng. Re bona Billy Graham le banna bao tlase mono Sodoma, ba ba biletsa kantle; empa re hopola Ea setseng le Abrahamama o ba file pontšo e 'ngoe, hore mora ea tlang o ne a atametse. Morena, tloo re bone pontšo eo, bosiueng bona, joaloka Monna ea neng a neile tente mokokotlo oa Hae, le ho re, "Sara o tšehile ke'ng?" Jesu o itse e tla boela e ipheta hape, pejana feela pele Mora motho a khutla; Molimo o bonahatsoang nameng, ka nama ea motho, ka matla a Moea o Halalalang le Mali a Jesu Krete. Aba sena, Morena. Ke nehela sena, ka bonna, ho Uena bakeng sa tšebeletso ea Hau. Bua, Morena. Bahlanka ba Hau ba mametse.

<sup>258</sup> Joale, ka Lebitso la Jesu Krete oa Nazaretha, ke beha moea o mong le o mong ka mona tlas'a taolo ea ka, bakeng sa 'Muso oa

Molimo, bakeng sa mesebetsi ea Oona. [Motho e mong o qala ho bua ka lipuo. Sekheo theiping—Mohl.] . . . ? . . .

259 Joale lumella Moea o Halalelang ho nka khato. Joale na lintho tseo ke li boletseng li lokile, kapa ha li a loka na? Na Esale Kreste? Na O bolokile tšepiso ea Hae, ea, “Moo ba babeli kapa ba le bararo ba kopaneng, Ke tla ba mahareng a bona”? “Ho se ho se hokae, ’me lefatše le ka ntle koana ha le sa tla Mpona, empa lona le tla Mpona, hoba Ke” (leemeli la botho) “ke tla ba le lona, le ka ho lona. Mesebetsi eo Ke e etsang, le tla e etsa le lona; e mengata ho ena, hoba Ke ea ho Ntate.” Na ke ’nete?

260 Ke bona Leseli leo le leketlile holim’a mothoana, ngoanana oa bammala mono. O ntse a ntlafala. Hopolang feela, o tla fola. U tsoa hole le mona. U tlameha ho etsa sehlabelo ho fihla mona bosiu bo bong le bo bong, empa u se ke oa tšaba ngoana. U fumane mohau ho Molimo. O ile a bitsoa, bosiu bo bong. Lumela feela.

261 Mona, motho o kile a bona Leseli leo? Phahamisa letsoho la hau haeba u entse. U bone setšoantšo sa Lona. Ha le Le bone na? Shebang mona. Shebang mona. Leseli leo, ’mala o emerauda, le eme hantle mona. Na ha le bone Hoo? Ho tsamaea, hantle mona.

262 Le holima mosali. O tšoenngoa ke daebetese. O rapetse. O a lumela. Molimo, u se Le lumelle ho tloha ho eena. O tli’o E fosa, ruri. . . Mof. Davis, lumela ka pelō eohle ea hau. Ke uena eo.

263 Ha ke eso bone mosali eo, bophelong ba ka. Matsoho a ka ke ana pel’a Molimo. ’Motseng haeba na lintho tseo. . . Na hoo ke ’nete, mofumahali? Tsokotsa matsoho a hau, ka mokhoa ’ona, haeba e le ’nete. Joale ebe o amme Mang? E seng ’na, o bohole ba lijarete tse mashome a mabeli ho tloha ho ’na. Empa o amme Moprasta e Moholo, Jesu Kreste. E bang le tumelo feela. Le se belaele. Lea lumela na?

264 Mona, shebang mona hape, hantle mona. Mosali e mong o ntse a rapela. O tšoeroe ke bothata ba mala, ho na le phoso ka maoto a hae. Oho Molimo! Mof. Cotton, lumela ka pelo eohle ea hau. Amohela pholiso ea hau, Jesu Kreste o a u phelisa.

265 Molimo Leholimong o a tseba ha ke eso bone mosali bophelong ba ka. O amme eng? Na ha se eena Moprasta e Moholo? Hobane’ng u belaeitse? U se belaele. E ba le tumelo ho Molimo.

266 Motho e mong motšeo lebatooeng lena. Le rapele. Lumelang. Ke Molimo, hohle.

267 Ho na le mofumahali ea lutseng mona a ntse a rapela. Ha a ithapelle. O rapella mora oa hae. O na le bothata ba mala. Ha a eo mona. O seteiting se seng. O tsoa motseng o bitsoang Pontiac, Michigan. Se tšabe. O ne a e-na le mala a nang le liso, ho tsoa boemong ba methapo. E mo tlohetsa. Amen. Tumelo ea hau e Mo amile.

268 Hore le tle le tsebe. Mona ho lutse monna, ea letsang katara ena, e ka bang eng mona, o jeoa ke mala, le eena. Liabolosi o ne a nahana hore o phomeletse ka seo, empa ha a ka a khona. U folile, monghali. Jesu Kreste o a u folisa.

269 Na u lumela ka pelō eohle ea hau? “Ha u lumela, tsohle li ka etsoa.”

Lea e lumela na?

270 Thakanyana le lutseng mona, le rapella mosali oa lona, le phahamisitse matsoho a lona. O tšeroe ke lefu la asma. Ha u lumela hore Molimo o tla mo folisa, moena, o tla fola. Amen.

271 “Jesu Kreste maobane, kajeno, le kamehla.” Botsang batho bao, ha ke eso ba bone bophelong ba ka.

272 Motšeo mona ho lutse mosali e mong. O na le lethopa letsoeleng. Oh, a se ke a e fosa! Mof. Patterson, amohela pholiso ea hau. Ema ka maoto a hau, rorisa Molimo. Ho lokile. Ha ke eso bone mosali, bophelong ba ka; Molimo Leholimong o tseba seo.

273 Ho ka thoeng ka literechara tseo tlase mono? Ho ka thoeng ka mosali mono? Lula u inamisitse hlooho ea hau, mosali. Ho lutse mosali ea lutseng mono, o holima liphate. U a lumela hore ke moprofeta oa Hae, mohlanka oa Hae? Ho na le Leseli le lopaletseng holima mofumahali eo. O jeoa ke bothata ba pelō. Ha u robala mono, u tla shoa. Tsoha, ka Lebitso la Jesu Kreste. Nka liphate tsa hau u ee hae, 'me u tla hlola bothata ba hau ba pelo.

274 Na le lumela Molimo? Ba lumelang ho Eèna ba bakae? Mamelang, metsoalle ea ka. E moholo ho Salomone o teng mona, Moprsta e Moholo ea ka angoang ke maikutlo a mahlomola a rōna. Na le a Mo lumela? Haeba e se mosebetsi oo Jesu Kreste a Ipakileng e le Messia ka oona! Na Lengolo le rialo? E reng, “Amen.”

275 'Me ebile, uena, u tobane le ho putlama ha methapo. Tloha ho eona. Balehela bophelo ba hau. Matha kapele. Siea lintho tse morao kamoro, 'me u shebe ho Molimo. U moreri oa Evangeli. Uena, ke buile le uena hoseng hona. U ne u sa tsebe seo e neng e le sona, 'me ke ne ke sa tsebe seo e neng e le sona, empa kea se bona joale. U tllile ho putlama. Liabolosi o kenya ntho e 'ngoe le e 'ngoe kelellong ea hau, ho leka ho u emisa khahlano le eona, esita le khahlano le 'na. Ke hantle. Hoo ke HO RIALO MORENA. E le bale. 'Molelle hoba o leshano. E amohele hona joale, 'me e tla u lesa 'me e ke ke ea khutla hape. U tla ba monna ea lokolohileng.

276 Ke le phepetsa ho lumela lintho tsena! Monna o tllile ho 'na hoseng hona, a botsa. Ke ne ke sa tsebe, empa ke a e bona. Hantle mona ka pela hae, shebang seriti se lefifi seo se kenang se bile se tsoa. Empa joale ntho eo e mo tlohetse. Ke hantle. Allelua. “Jesu Kreste maobane, kajeno, le kamehla.”

277 Ha Moea o Halalelang o le teng mona, lisakatuku ke tsena. Ha re rapeleng, ha le ntse le itšoareletse ka thapelo.

278 Ntate oa Leholimō, re rutoa ka Bibeleng, ba nkile lisakatuku le liaprone tse amileng, 'mele oa Santa Pauluse, meea e litšila ea tsoa bathong, 'me ba fola. 'Me ere re sa elelloa Boteng ba Hau mona, re a elelloa hore ha re Santa Pauluse, empa U sa le Jesu. 'Me e ne e se eena, tšimolohong, e ne e le Uena; tumelo e bathong, mohla ba 'monang a porofeta 'me ba tsebile Molimo o na le eēna. Morena, U hlompha lithapelo tsa batho hape kajeno, ka ho tšoana.

279 Mongoli e mong o itse, "Mohla Iseraele e ne e le tseleng e eang lefatšeng la pallo, ha thoe Leoatle le Lefubelu le ba khaotse, hantle tseleng ea kutlo, ho ea lefatšeng la pallo. 'Me Molimo oa nyarela ka Topallo eo ea Mollo, ka mahlo a befileng; Leoatle le Lefubelu la tšoha, la khutlela morao, 'me Iseraele ea tsoella lefatšeng la pallo."

280 Molimo, bosiuung bona, batho ba batla tšepiso eo, "Holim'a tshole Ke rata ha le atlehile 'meleng le phetse hantle." 'Me maloetse a ba khaotse. U ke u shebe fatše bosiuung bona ka Mali a Jesu Krete, 'me e re lisakatuku tsena li sa beoa holima bakuli, e le sehopotso sa tlolo e kholo ena ea Moea o Halalelang, ea Krete ea Iponahatsang mona ntle le seriti sa pelaelo, eena Jesu eo o re bontša hore O sa phela 'me o tsohile bafung. Maloetse a harohe letsoalo ha liphasele tsena li beoa holim'a bakuli, a ke a khutlele morao 'me a tsamae, 'me batho ba fole, ka Lebitso la Jesu Krete.

281 Ka khutso. Bibehe e nepile. 'Me haeba Jesu a ratile ho tla mona le ho le bontša sena, ka phethahalo e kana, ka nqane ho selika sefe sa saekholoji, ka nqane ho selika sefe sa maikutlo, mohlolo o phethahetseng! Mohlolo ke ntho e ke keng ea hlaloso. Ke bona moo monna a ka batlang a—a shoele leotong, 'me a ka qhoma, le tlasa maikutlo. Hantle. Empa ke mang ea ka 'molellang seo a se entseng, le moo a tsoang teng, le se etsahetseng, le se tla hlaha? 'Me kea le phephetsa; ha eso fose le ka mohla, har'a mashome a likete tse atisoang ka likete, lefatše ho pota. Ha ho le . . .

282 Re fumana boipeho bo bongata, ke tseba seo. E tlameha ho hlaha, boetsisi ba nama. Empa hoo ha ho . . . Hoo ho mpa ho phatsimisa Ntho ea 'nete hantle ho feta; hoo ho fetola Jesu Krete 'nete.

283 Ke Enoa bosiuung bona! O har'a rōna, 'ona Moea o Halalelang oo le u amohetseng, 'me O le lumella ho bua ka lipuo le ho etsa lintho tseo le li entseng. Oona Moea o Halalelang o u fang pontšo eo ea Sodoma, ho tsoa nthong ea mofuta oo, hora ea ho chesoa ha lefatše lena e haufi. Bomo e robetse koana e ngotsoe nomoro. Balehela ho Krete, ka potlako.

284 O boetse o itse, Mangolong, mantsoe a ho qetela a oeleng melomong ea Hae, “Mehlolo e tla tsamaea le ba lumelang ke eona ena. Ha ba bea bakuli matsoho, ba tla fola.” Na le lumela seo?

285 Ke tla bona haeba u e lumela? Ke a ipotsa re ka thea mola o motle, oa mehla ea khale, oa Arkansas kapele mona, motsotso. Na le ka e lumela? Na le ka rata ho e bona, matsoho a beoe holim’a lona? Na le ka rata ho fumana seo?

286 Ha ke tsebe kamoo re tla e busa. Kea belaela hore re ka e etsa. Na le a e belaela? Na le nahana re ka khona? [Moena Samuel Johnson o re, “Kea kholoa re ka khona. Amen.”—Mohl.] Ha ke tsebe re tla etsa joang. Empa re ka leka, haeba le ka apara hlomphe ea borapeli.

287 E reng bao ba leng ka mono . . . Eng? Karolo ka karolo. Ho lokile, lumellang ba ka morao mono, ba tsoereng litlankana tseo tsa thapelo, ho tsoa hantle ho kena kapele moleng oo mono. Karolo e letsohong le letona.

288 Joale ke batla le tsebe, baena besō, likhaitsetsi, ha u a tlameha ho emela moevangeli ea ikhethileng ho feta. Che, che. Moruti oa hau o na le ntho e tsoanang. Joale, a—a—a ka tsoha a sa khone ho—ho fumana neo eo ea boporofeta; e tla e le ’ngoe molokong. Empa, shebang, o na le litokelo tse tsoanang tsa ho le rapella tseo nka bang le tsona. Temoho eo ea moea ha e u folise; e etsa feela hore u e leloae boteng ba Molimo, hore u ka pel’a Sefahleho sa Molimo.

289 Empa moevangeli o kena motseng, o rapela kahohle, kolobetso eohle; ebe moo batho, ha a tloha, moruti o a . . . Be, batho ba nahana hore moruti oa bona hase letho. Moruti oa hau ke monna oa Molimo. O u tsamaisitse ka polokeho ho fihla mona; a ka u fihlisa teng. Ke monna ea rupeletsoeng oa Molimo.

290 ’Me ke batla lona, e mong le e mong oa lona, ha u feta moleng ona oa thapelo ’me u sa lumele sena, tsoa ho ’ona; u tla mpefala. Empa ha u ka e lumela ruri, ha u feta tlasa matsoho a tlotsitsoeng a Molimo, ke batla le ee hae le ntse le paka matla a Molimo; ho tloha mona, ho hoeletsa le ho rorisa Molimo, hore tsohle li felile. Ke batla hore le e etse.

291 Ke batla hore balisa bana ba nthuse. Oh, Moena Moore, le Moena Hooper, le baena ba bangata bana bao ke ba tsebang mona, le sehlopha se khabane sena sa balisa mona, se eme feela se nketsetse molanyana hantle mona.

292 Re ne re e sebetsa tjena. E se e le lilemo ke sa etse sena. Empa ha Moea o Halalelang o sa le holima ka (ke bone ntho e ’ngoe e etsahala ka nako eo.), A sa le teng mona, ’me ke sa ntse ke khona, ’me eare . . . Ba na le tlolo e tsoanang le boholo bo tsoanang. Ke phetho. Re tla bea matsoho holima bakuli. ’Me Bibe e boletse, “Ha ba bea bakuli matsoho, ba tla fola.” Bibe e itsalo. Leo ke Lentsoe la Molimo. Tsoelang mona, baena, tsoang le fole mola hantle mona. Ke tla ema le baena bana.

293 Joale, ha le etsoa, lōna batho ba kahara tulo ena, ha le etsoa, tsoelang kantle ho potoloha moaho, le khutlele kahare hantle hape. 'Me joale ke tla kopa motho ho ema mona, mohlomong moena enoa e monyenyanane mona, mothoana . . . Tloo koano, 'me u hlahlobe mela ena, ha u rata, kapa moena e mong ea ka emang mona 'me a e bitsa ka likarolo.

294 Bareri joale, bareri, bahlanka ba tlotsitsoeng ba Jesu Kreste, ba eme hantle mona.

295 Ke na le baena ba 'maloa mona ba tsoang Jeffersonville, batlatsi ba ka ba tsoang likerekeng tsa likhahitseli tse tsoang Tabernakeleng. Moena Don Ruddell, o katleho e kholo ho rapella bakuli. Don, na u teng mona? Moena Junior Jackson, moreri oa Methodise ke sa tsoa mo kolobetsa ka Lebitso la Jesu Kreste. O amohetse Moea o Halalelang. E mong enoa e ne e le moreri oa church of God. Ke batla lōna baena ba rapellang bakuli, ho potoloha Tabernakele, tloong, le eme moleng ona le baena bana.

296 Hoo ho itoketse, ha ho joalo, moena? Ke botle, ha ho joalo? Ehlile. [Baena ba re, "Ehlile!"] Yaa. Ho lokile, tloong, le eme ka mathoko.

297 Moena Willard Collins o kae? Moreri e mong, moreri oa Methodise, o sa tsoa amohela Moea o Halalelang, 'me a kolobetsoa. Ke rata ha a ka tla.

298 Moshanyana oa hae, tsatsi le leng, o ne a bolaoa ke—ke feberu ea ramatiki, 'me ngaka ea re u se ke oa mo lumella le ho phahamisa hlooho ea hae ho lekana ho kenya chupu molomong oa hae. Ke tsoa Tucson, ho rera *Litiiso Tse Supileng*. 'Me hoba a etse, a phahamisa lesea leo liphatheng a le tlisa mono. 'Me hang ho kena feela, 'me Moea o Halalelang oa re, "HO RIALO MORENA. Isa lesea hae, o folile. O tla bapala le moshanyana oa ka." Moena ke enoa o eme hantle mona joale. Mosali oa hae o teng ka mona.

299 Kea kholoa Mike o lutse mona, ka boena. Hantle. U kae, Mikey, u hokae? Le lingaka . . . Ke eo moo a leng teng; sephiri. Ngaka e itse tlisa . . . Ba kabelong ea tsa bophelo bo botle ba ile ba tlisa ngoana eo. Ngaka ea tloha ea mo hlahloba; a ingoaea hlooho, ho re, "Ha ho le phophi ea eona ka ho eena."

300 Ke eng? Jesu Kreste eena maobane, kajeno, le kamehla!

301 Metsoalle, lebaka leo ke bitsitseng banna bana, ke bareri, ke baruti, ke banna ba bilelitsoeng ho rapella bakuli, joaloka 'na kapa monna ofe. 'Me ke batla le tsebe hoba moruti oa lona o ruile boholo ba ho etsa sena. Ha u a tlameha ho emela Oral Roberts, kapa Jack Jones, kapa 'na, kapa motho mang. Jesu Kreste o hohle; u a Mo lumela. Moruti oa lona o bilelitsoe ho etsa seo. Haeba u eso kolobetsoe; ka mora kopano ena, botsa moruti oa hau, lokisa litaba le Molimo. Ha u eso amohele Moea o Halalelang; e-ea kerekeng ea hae, o tla u laela seo u lokelang ho se etsa.

302 Joale etlereha le feta, le rapele. 'Me ke batla motho e mong le e mong ka mona, motho e mong le e mong, ke batla le rapele. Ke batla hore le fete moleng feela. Ke tla ema mona le sehlopha sena sa banna, ho bea batho bana matsoho. Moruti enoa o tla ema mona 'me a bitse mela. 'Me ha u feta, le matsoho ana a tlotsitsoeng. . . Ke tla u rapella joale, 'me ba tla u rapella.

303 'Me ha ba u bea matsoho, hopola, ke hore, u folile joaloka ha u ka bolokeha. Bibehe, E itse, "Bakang, le kolobeletsoe ka Lebitso la Jesu Krete tšoarelong ea sebe, 'me le tla nka neo ea Moea o Halalelang." Eo ke tšepiso ea Molimo. O tla e etsa haeba u e lumela. Empa haeba u sa e lumele, e ke ea sebetsa. 'Me O itse, "Mehlolo e tla tsamaea le ba lumelang ke eona ena ha ba bea bakuli matsoho, ba tla fola." Ho felile, ha ba o bea matsoho, ha o e lumela.

304 Lea e lumela na? Na u a lumela, bosiuung bona, hore o bone ntho ea makhonthe joaloka ha khama eo e ne ka hlahisa, ho bona Jesu Krete a Iponahatsa har'a rōna? Haeba le lumela A le teng mona, e reng, "Amen." [Phutheho e re, "Amen."—Mohl.] Ka hona, ke Enoa.

305 Ha re inamiseng lihlooho tsa rōna joale. Joale thapelo ea ka ke ena bakeng sa lōna, ka pelō ea ka eohle:

306 Ntate oa Leholimō, kea U rata. U Bophelo ba ka. U tšepo ea ka, Molimo oa ka, Morena oa ka, Mofolisi oa ka, Molebeli oa ka. E seng hoo feela, empa ke hlalosa maikutlo a Mokreste e mong le e mong ea lumelang ka mona, ke seo U leng sona.

307 Monna ke enoa o eme, ba bang ba bona ba eme mona ka bobona, ba kula. Kea tseba ba joalo. Ke bone Moea oa Hau o leketlile holim'a bona, metsotsoananeng e 'maloa e fetileng. Ka ho tseba bareri bao ba kulang, empa pelo tsa bona li tsoela phutheho tsa bona, batho; ho tela tulo tsa bona, ho ema mona moleng oa thapelo, ho rapella linku tsa bona. Molimo, hlohonolofatsa monna eo, hlohonolofatsa e mong le e mong oa bona.

308 Re sa eme mona e le papiso ea Hau, bosiuung bona, ea 'Nete ena, 'Nete ea Bibehe, a e mong le e mong oa banna bana a tlotsie hakana, 'me Moea o Halalelang o tla etsa joalo. . . Ha ba bea matsoho a bona holima batho, hore ho be le tumelo e kana e otlang motho eo ho fihlela ba amohela neo e abiloeng ke Molimo oa pholiso eo O ba tšepisitseng eona, Morena. 'Me e mong le e mong a fete, a futhisoa ke tebelo, ba tle ba tsebe hobane ba feta tlas'a seriti sa sefapano, moo Mali a Jesu Krete a phekolang maipolelong a bona, le Boteng ba Hae bo boholo bo hlolang mona bo nang le rōna joale, hoo ho paka A sa shoa, O tshile bafung, le ho phela hara rōna. Lipelō tsa rōna li tla chesoa ha re ea malapeng a rōna a fapaneng, bosiuung bona, ho thoe, "Na lipelo tsa rona li ne li sa chese ka ho rona, ha A ntse a bua le rona tseleng?" Ke kopa Matla a Hau ho aba tumelo e kana metsotsong

e 'maloa ena e latelang, ho batho bana ba kulang, ho se be le motho ea tšeremang har'a rōna.


<sup>309</sup> Ke phephetsa liabolosi e mong le e mong ea tlamileng batho bana, ka boholo ba Lentsoe la Molimo, le Boteng ba Jesu Krete Ea tšolotseng Mali a Hae, ho etsa Lentsoe le leng le le leng ntho ea 'nete ho motho e mong le e mong ea tla lumela. Satane, u hlotsoe, nako ea hau e atametse, lesa batho bana, ka Lebitso la Jesu Krete. Tsoa ho bona! Re nka khato ea Molimo, ka ho beha bakuli matsoho, 'me ba tla fola.

<sup>310</sup> Samuel, bina *Lumela Feela*. Qala mola oa thapelo. Motho e mong le e mong o lutse thapelong joale. E mong le e mong, a rapele. [Mola oa thapelo o tsoella metsotso e 11, mantsoe a Moena Branham ha a utloahale. Sekheo lebanteng—Mohl.]

Lipelo tsa rona ka lerato la Bokreste;  
Kopano ea maikutlo a leloko  
E tsoana le ea Holimo.

Ha re arohana,  
Ho re hlabehisa ka hare;  
Empa re tla 'ne re kopane pelong,  
'Me re tšepile ho kopana hape.

<sup>311</sup> Ntate oa Leholimō, ka Lebitso la Morena Jesu, khokano ena ea matsoho, joaloka ha baena ba bareri ba Lentsoe la Molimo, aba matla a tsositseng Krete bafung, 'me esale o Mo bolokile le rōna lilemo tsena tse likete tse peli, e ke e tlame. . . [Sekheo lebanteng—Mohl.] . . . meea bakeng sa Bosafeleng, 'me E ke e folise maloetse mahareng a rona. 'Me Lebitso la Jesu Krete. . . ? . . . Lisakatuku tsena le liphasele tsena, matla a Molimo a lule holim'a tsona, ka Lebitso la Jesu Krete. Amen.

<sup>312</sup> Joale phutheho eohle, e lumele ka pelō eohle ea lōna, hore Jesu Krete o ruile, o tla boloka Lentsoe la Hae. . . Haeba A bolokile Lentsoe la Hae ka lilemo tse likete tse peli, 'me a re sena se tla etsahala nakong ea qetelo, 'me ke sena se etsahetse, O tla boloka Lentsoe la Hae le itseng, "Ha ba beha bakuli matsoho, ba tla fola." Lea e lumela na? Lea e amohela na? Ka hona ha re phahamiseng matsoho a rōna 'moho re rorise Molimo. . . ? . . . 



63-0628E E Moholo Ho Salomone O Teng Mona  
Associated Brotherhood Of Christians Campground  
Hot Springs, Arkansas U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlalisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)